

Արեգնազան կամ Կախարդական աշխարհ

Ղազարոս Աղայան

(Հայկական հին գրույցներից առած մի վեպիկ)

1

Շատ հին ժամանակ, երբ աշխարհը լիքն էր հրաշքներով, և երբ բարի ու չար ոգիները անընդհատ պատերազմ էին մղում իրար դեմ, ահա՝ այդ ժամանակ Մասիսի ստորոտում կենում էր մի ծերունի իշխան՝ Արման անունով:

Արմանն ուներ երեք զավակ՝ մորից որք մնացած: Նրանցից երկուսն աղջիկ էին՝ մինը քան զմյուսը գեղեցիկ, իսկ երրորդը՝ ավելի ևս չքնաղ և չնաշխարհիկ, միայն բարի ոգիները նրա ինչ լինելը թաքցրել էին հողեղեններից: Այդպես էին կամեցել բարի ոգիները իրանց համար հայտնի նպատակով, և մի ուրիշ ժամանակով, երբ որ ժամանակը լրանար, այնուհետև նա կա՝ մ աղջիկ և կա՝ մ տղա պիտի դառնար: Բայց Արմանը նրան չէր որոշում աղջիկներից, և երեքին էլ միաձև աղջկա հագուստով էր պահում: «Թող սա էլ աղջիկ համարվի,— ասաց նա,— մինչև բարի ոգիների կամքը կատարվի»,— և անունն էլ դրավ Արեգնազան՝ միատեսակության համար, որովհետև մեծի անունը դրել էր Զանազան, իսկ երկրորդինը՝ Զարմանազան:

Արեգնազանը մեծացավ աղջկա պես. և թեպետ հավատացած էր, որ ինքն աղջիկ է և աղջիկներից էլ՝ ամենից գեղեցիկը, բայց ատելով ատում էր աղջկան վայել բաները: Նա չէր սիրում բուրդ գզել, թել մանել, կար ու գործ անել և, դրա հակառակ, երբ մի լավ ձի կամ մի զենք էր տեսնում՝ խելքը գնում էր: Մայր չուներ, որ նրան ստիպեր, տնարարություն սովորեցներ, իսկ հայրը, կարծես զիտությամբ, ոչ միայն այդ մասին ոչինչ հոգս չէր

անում, այլև նրան իր հետ որսի էր տանում և ձի հեծնել ու զենք գործածել էր սովորեցնում:

Այսպես անցավ մի ժամանակ. մեկ օր Արմանը կանչեց իր զավակներին և ասաց.

— Ես ծառայում էի մեր բարի թագավորին, և նա ինձ շատ սիրում էր: Ահա՝ այս դաշտերն ու անտառները, այս սարերն ու ձորերը, որ հիմա մեր ձեռին են, բոլորը թագավորն է ընծայել ինձ իմ հավատարիմ ծառայությանս համար: Երբ որ ձեր մայրը վախճանվեց՝ սաստիկ տիրություն եկավ վրաս: Վեր առա ձեզ, քաշվեցի այս խաղաղ վայրերը և, տիրությունս փարատելու համար, զլուխս որտորդության տվի: Դուք հիմա մեծացել եք, իսկ ես՝ ծերացել: Դուք այստեղ մեծանում եք, ինչպես վայրի եղջերուները: Ի՞նչ կլինի ձեր վերջը, եթե այստեղ մնաք. իհա՛րկե, շատ վատ: Ապագա թշվառությունից ձեզ ազատելու համար ես մտածել եմ, որ ձեզանից մեկին, տղայի հագուստով, ուղարկեմ թագավորի մոտ ծառայելու: Թագավորը սիրով կընդունի և իմ տեղը ժամանակով նրան կտա: Այդպիսով, ձեզանից մեկը կարող է մյուսներիդ էլ տանել իր մոտ: Հիմա ո՞րդ կուզենաք գնալ:

— Ես կերթամ, հայրի՛կ,— ասաց մեծ աղջիկը:

— Ես ել, հայրի՛կ, ես ել,— մեջ ընկավ միջնակը:

Արեգնազանը լուր էր:

— Իսկ դու, Նազանի՛կ, դու չե՞ս կամենալ,— հարցրեց հայրը Արեգնազանին. կարծես ուզում էր, որ գնացողը նա՛ լիներ անպատճառ:

— Ինչո՞ւ չէ, հայրի՛կ. բայց երբ որ իմ մեծ քույրն ուզում է, ես ինչո՞ւ արգելք լինիմ նրան:

— Այստեղ արգելքի բան չկա, հոգի՛ս. ինձ համար դուք երեքդ էլ մեկ եք, միայն՝ դեռ չգիտեմ, թէ՝ ձեզանից ո՞րն ավելի հարմար կլինի:

— Ես ամենից հարմարն եմ, հայրի՝կ,— ասաց մեծը,— որովհետև ես ամենից մեծն եմ:

— Շա՛տ լավ, բայց ես առանց պայմանի ոչ մեկիդ չեմ ուղարկելու: Եթե դու կամենում ես՝ կերթաս, ուրեմն, կփոխես հազուստդ, կընտրես զենք ու զրահ, և առավոտը շատ վաղ քո ձին կհեծնես, կերթաս որսորդության. Եթե դատարկ չվերադառնաս, քեզ կուղարկեմ թագավորի մոտ:

Մյուս առավոտուն մեծ աղջիկը, ինչպես պատվիրել էր հայրը, ճանապարհ ընկավ դեպի դաշտ՝ մի բան որսալու համար: Երբ որ մտավ մի խոր ձորի մեջ և ուզում էր անցնել մյուս կողմը, նրա առաջը կտրեց մի դիմակավորված ձիավոր՝ ոտից մինչև գլուխ զինավորված: Աղջիկը նրան որ տեսավ՝ այնպես վախեցավ, որ քիչ մնաց լեզուն կապվի. սաստիկ երկյուղից մնաց կաշկանդված, փախչիլ անգամ չկարողացավ: Զիավորը մոտեցավ նրան ու ասաց.

— Ա՛յ տղա, սիրո՛ւն տղա,
Ո՞ւր ես գնում այդպես մենակ.
Ինչո՞ւ փափուկ անկողնիցդ
Դուրս ես եկել անժամանակ:

Աղջիկը պատասխանեց կմկմալով.

— Ես... ես... գնում եմ...
Ոչ... ոչ... չեմ գնում...
Հա... հա... պիտի գնամ...
Ի՞նչ երեսով ետ դառնամ...

Զիավորն ասաց սպառնալով.

— Դու գնո՞ւմ ես, ո՞ւր ես գնում,
Ո՞ւր ես փախչում դու ձեր գեղից.
Ե՛տ դառ իսկույն, թե չես ուզում,
Որ գլուխող թռչի տեղից...

Այս ասելով ձիավորը հանեց թուրը և բարձրացրեց, որ զարկե աղջկանը, բայց նա բղավեց.

— Վա՛յ, վա՛յ, մի՛ զարկիր, մի՛ զարկիր, ես աղջիկ եմ, ես աղջիկ եմ, ահա՛, ահա՛, ետ եմ դառնում:

— Որ աղջիկ ես, ուրեմն՝ գնա ձեր տուն, ձեր հավերին կուտ տուր: Տղամարդի հազուստ ունենալը բավական չէ, պետք է տղամարդի սիրտ էլ ունենալ: Էլի լավ էր, որ ինձ պատահեցար և ո՛չ մի ուրիշին,— ասաց ձիավորը և անհայտացավ:

Աղջիկը դողդողալով վերադարձավ տուն:

— Է՛... ո՞ւր է բերած որսդ,— հարցրեց հայրը,— ինչո՞ւ այդպես շուտ վերադարձար:

— Ճանապարհին ջերմս բռնեց, հայրի՛կ, գլուխս ցավում է,— պատասխանեց աղջիկը:

Մյուս օրը միջնակին ուղարկեց: Նա էլ մեծին պատահած փորձանքին հանդիպեց. նրա պես վախեցած վերադարձավ տուն:

Երրորդ օրը Արեգնազանին ուղարկեց: Նրան ևս հանդիպեց միևնույն ձիավորը և ասաց.

— Ա՛յ տղա, սիրո՛ւն տղա,
Ո՞ւր ես գնում այդպես մեսակ.

Ինչո՞ւ փափուկ անկողնիցդ
Դուրս ես եկել անժամանակ:

Արեգնազանը պատասխանեց բարկանալով.

— Քեզ ի՞նչ, թե ես ո՞ւր եմ գնում.
Ուր գնում եմ, այդ ե՛ս գիտեմ.
Ես չեմ գնում, որ քեզ նման՝
Խաղաղ մարդոց ձամփեն կտրեմ:

— Ուրեմն, ես ավազա՞կ եմ.
Դո՞ւ ես ասում ինձ այդ բանը.
Այս բռպեիս դու կստանաս
Քո այդ խոսքիդ պատասխանը:

— Այո՛, թե դու ավազակ ես,
Յույց է տալիս քո դիմակը.
Բայց թե՝ ինչպե՛ս տղամարդ ես,
Այդ թող տեսնե իմ նիզակը...

Այս ասելով Արեգնազանը հարձակվեց նրա վրա, ասելով.

— Դե՛ն ձգիր դիմակդ, տեսնեմ՝ դու ի՞նչ մարդ ես, եթե ոչ՝ այս բռպեիս
կլթոցնեմ գլուխդ:

Զիավորն ընդդիմացավ, վահանով պաշտպանվեց և թրով հարձակվեց
Արեգնազանի վրա: Արեգնազանը նույնպես պաշտպանվում էր վահանով
և հարձակվում թրով: Մի ժամ շարունակ տևեց նրանց կռիվը, և ոչ մեկը
չկարողացավ զարկել մյուսին. զարկերը վահաններին էին դիպչում: Միայն

Արեգնազանը հետզհետե զորանում էր, իսկ նրա հակառակորդը՝ թուլանում: Վերջը Արեգնազանը մի ճարպիկ ոստյունով թռավ իր ձիուցը, հակառակորդի փողպատից^[1] բռնելով վայր զլորեց ձիուց և հենց այն է՝ ուզում էր, որ մի հարվածով զլուխը թոցներ, նա իսկույն վեր առավ դիմակը...

— Ա՛խ, հայրի՛կ, հայրի՛կ,— բացականչեց Արեգնազանը.— այս ի՞նչ փորձանքի մեջ էիր զցում դու ինձ... եթե մի փոքր ուշ վեր առնեիր դիմակի՝ ինձ հայրասպան պիտի շինեիր:

Հայրը մոտը նստեցրեց Արեգնազանին և նրա վրան նայելուց չեր կշտանում: Մի փոքր շունչ առնելուց հետո ասաց.

— Ապրի՛ս, ապրի՛ս, Արեգնազան,
Ծիս, ծաղկիս, զորանաս,
Հիմա զիտեմ, որ իմ տեղը
Դո՛ւ անպատճառ կստանաս:

Իզուր չեմ քեզ սովորեցրել
Զենք ու զրահ զործածել.
Ի՞նքը զիտես, որ ամենքից
Քե՛զ եմ սիրել առավել:

Թող սա՛ լինի, ասացի ես,
Արու զավակ ինձ համար,
Սրա անվախ, անահ սիրտը
Քաջ տղամարդի է հարմար:

Էլ աղջիկ չես այսուհետև,
Չմոռանա՞ս այդ բնավ.
Դու աշխատիր, որ ստանաս
Բարի անուն, մեծ համբավ:

Արքայական ապարանքը
Մի մեծ բույն է փորձության.
Եթե սխալ մի քայլ անես՝
Դու կորած ես հավիտյան:

Այժմ գնա՞՛, դու իմ հոգյա՞կ,
Օրինությունս քեզ հետ տար,
Եղի՛ր բարի, մեծահոգի,
Եղի՛ր անմեղ ու արդար...

2

Երբ որ Արեգնազանը ներկայացավ թագավորին և հայտնեց, որ ինքը Արմանի որդին է, թագավորը շատ ուրախացավ:

— Ես այնպես էի կարծում,— ասաց թագավորը,— որ մեր Արմանը հասած տղա չունի: Անունդ ի՞նչ է, տղա՞ս:

— Տերությանդ ծառա՝ Արեգ:
— Արե՛ք... շա՛տ լավ անուն է և քեզ բոլորովին հարմար: Ուրա՛խ կաց, տղա՞ս, քեզ այստեղ լավ կպահեն: Եթե մի նեղություն, մի կարիք ունենաս՝ ինձ հայտնիր: Վաղը պիտի որսի երթանք, դու էլ կգաս ինձ հետ:

Թագավորը մինումար մի աղջիկ ուներ, Նունուֆար անունով: Այնքան գեղեցիկ էր Նունուֆարը, որ արեգակին ասում էր՝ «Դու մի՛ դուրս գա, ե՛ս եմ դուրս գալու»:

Երբ որ թագավորը խոսում էր Արեգնազանի հետ՝ Նունուֆարը վարագույրի հետևից թաքուն նայում էր նրա վրա և զմայլում:

«Սա իսկ և իսկ այն պատկերն է, որին քանի անգամ տեսել եմ ես երազում»,— ասում էր Նունուֆարն ինքն իրան...

Մյուս առավոտը որսական փողերը հնչեցին:

Հազարից ավելի ձիավոր դուրս եկան, բոլորն էլ զինավորված լայնակամար նետաղեղներով, երկայնակոր նիզակներով և այլ զենքերով: Իրանց հետ ունեին բազմաթիվ զամփոներ, բարակներ^[2], բազեներ... Մի խոսքով՝ որսի ամեն պատրաստությունով:

Անցան գնացին, հասան մի լայնատարած դաշտ, չորս կողմից ահազին անտառներով շրջապատված: Որսական շներով անտառներից դուրս փախցրին բոլոր երեներին^[3] դեպի դաշտ, շղթայաձև շրջապատեցին ամբողջ դաշտը և, բոլոր որսերին կալմեց արած, սկսեցին անխնա կոտորել:

Արեգնազանը թագավորի մոտից չեր հեռանում և նրանից էլ քիչ չեր կոտորում: Որսասպանության այս թունդ միջոցին թագավորը մի եղջերվի հետևից ձին չափ զցելիս, ինչպես պատահեց, վայր ընկավ ձիուցը, թեև անվնաս, միայն ձին խրտնեց, փախավ, թագավորը մնաց հետիոտն և իսկույն ընկավ մի արջի առաջ: Արջը հետևի ոտների վրա կանգնեց, բերանը բաց արավ և հենց որ ուզում էր թագավորին իր գիրկն առնել, շարդել՝ Արեգնազանը մի ակնթարթի մեջ նետի պես ալացավ իր ձիով և թրի մի հարվածով կես արավ արջի գլուխը և վայր գլորեց ամեհի գազանին: Թագավորն ազատվեցավ, և Արեգը դարձավ նույն օրվա հերոսը:

— Այ քեզ բախտ... ինչո՞ւ ե՞ս չեի մոտիկ թագավորին...— ասում էին որսորդներից շատերը...

Թագավորին սույն օրվա պատահած դեպքի լուրը շուտով քաղաք հասավ, և պատանի որսորդի արած քաջության համբավը մի րոպեում տարածվեց ամբողջ քաղաքի մեջ:

Տեսնելու բան էր, թե ինչպիսի՝ աղաղակ էին բարձրացնում քաղաքացիք որսորդների վերադարձին:

— Կեցցե՛ թագավորը, կեցցե՛ քաջ Արեգը,— գոռում էին միաբերան և երգում.

Ո՞վ է ազատել մեր թագավորին
Արջի ճանկերից, հա՛յ, արջի ճանկերից...
Մեր քաջ Արեգը, սիրուն պատանին.
Նա՛ է ազատել արջի ճանկերից,
Արջի ճանկերից, հա՛յ, արջի ճանկերից...

Երկայն նիզակը բերանն է կոխել,
Գլուխը թրով մեջտեղից կիսել,
Ամեհի գազանին գետին կործանել,
Մեր թագավորին անվնաս պահել
Արջի ճանկերից, հա՛յ, արջի ճանկերից:

Արեգն է սիրուն արեգակի պես,
Նոր է դուրս եկել որսական հանդես,
Արջի գլուխը արակ երկու կես,
Մեր թագավորին ազատեց այսպես
Արջի ճանկերից, հա՛յ, արջի ճանկերից...

Արեգն է ոյուցազն, քաջ ու անվեհեր,
Կեցցե՛ հավիտյան, կեցցե՛ շատ օրեր.

Եթե նա այսօր այնտեղ չլիներ՝
Մեր թագավորին էլ ո՞վ կազատեր
Արջի ձանկերից, հա՛յ, արջի ձանկերից:

Արեգնազանը, այս ցույցերը տեսնելով, ասում էր ինքն իրան.

— Ա՛խ, ի՞նչ լավ բան է տղա լինելը. երանի՛ ես Ճշմարիտ տղա լինեի: Աղջիկը որտեղի՞ց կարող էր այս պատվին արժանանալ...

— Դու այսօր ցույց տվիր ինձ քո շնորհքդ, Արե՛ք,— ասաց թագավորը,— այսուհետև դու ինձնից անբաժան կմնաս: Ապրի՛ս, տղա՛ս, ապրի՛ս: Դու մի հազվագյուտ էակ ես. գեղեցկության և ջահելության հետ շատ հաշտ չեք քաջությունը, բայց Երկինքն ուզեցել է քեզ մի բացառություն համարել: Վաղը դու մեր ձիաներից կընտրես քեզ համար ամենալավը, իմ զենք ու զրահներից՝ ամենից ընտիրները: Դու ժամանակով ոյուցազանց կարգը կընկնիս, և հենց այժմ էլ մի փոքրիկ ոյուցազն ես...

Թագավորը շատ ուրախ էր, որ մի փոքրիկ ոյուցազն է գտել, բայց Նունուֆարի ուրախությունը սահմանից անց էր կացել:

— Սրան Երկինքն է ուղարկել ինձ համար,— ասում էր Նունուֆարը ինքն իրան,— բանն այնպես է գնում, ինչպես որ պետք էր ցանկանալ: Բայց ես ե՞րբ պիտի տեսնեմ նրան երես առ երես, կամ նա ինձ ե՞րբ պիտի տեսնի: Ա՛խ, ինչքա՞ն ցանկանում եմ, որ հենց այս բոպեիս նա իմ մոտս լինի, մենք միասին կխոսինք, ես նրան կասեմ... նա ինձ կասե... Եվ ինչո՞ւ չկանչել, ինչո՞ւ չխոսել: Հայրս նրան որդու պես է սիրում, որովհետև իր բարեկամի որդին է. նա ազատ ել ու մուտ ունի բոլոր պալատում: Այո՛, այո՛, պետք է

կանչել: Է՞յ, ո՞վ կաք այդտեղ,— կանչեց Նունուֆարը, և ներս մտավ մի աղախին:

— Այս բռպեկս կերթաս Արեգի մոտ և կասես, որ զա ինձ մոտ. ասա՝ «Ե՞կ, ինձ տես»...

Աղախինը գնաց և կանչեց Արեգին:

— Չեմ կարող գալ,— պատասխանեց Արեգը:

— Ինչո՞ւ չեք կարող, պարո՞ն. նա հրամայել է,— պնդեց աղախինը:

— Ես նրա մոտ գործ չունիմ, հասկանո՞ւմ ես...

— Պարո՞ն, նա ասում է. «Ե՞կ, ինձ տես»... հասկանո՞ւմ ես...

— Գնա՛ ասա. «Ո՞չ կզամ և ո՞չ կտեսնեմ քեզ»...

Աղախինը գնաց:

Նունուֆարը, Արեգի մերժումը լսելով՝ այնպես սառավ ու տաքացավ, այնպես կարմրեց ու սփրթնեց փոփոխակի, որ աղախինը, այդ տեսնելով՝ սարսափի մեջ ընկավ:

Նունուֆարի սիրտն ուզում էր տրաքիլ, զիսի սկավառակն ուզում էր բարձրանալ: Նա անդադար այս ու այն կողմն էր ընկնում, մե՛րթ դուռն էր բաց անում, մե՛րթ պատուհանը. նրա սենյակը դարձավ մի հնց և նրան այրում, խորովում էր:

— Մերժո՞ւմ... արհամարհա՞նք... ի՞նձ, ի՞նձ, ո՞հ, զլուխս, զլուխս տրաքում է, տրաքում...

Աղախինը, տեսնելով իր տիրուիհու անսահման սրտնեղությունը, վստահացավ ասել.

— Տիրուիհի՛, ես զարմանում եմ, որ դու մի այդպիսի դատարկ բանի համար սիրտդ շուր ես բերում: Նա գուցե սաստիկ ամաշում է, և դրա համար է, որ չեկավ: Երբ որ լսեց, որ դու կանչում ես իրան, ամոթից կարմրեց, վարդ կտրեց և ինչքա՞ն գեղեցիկ էր...

— Ասա՛, ասա՛, խոսիր, շարունակիր... ես չլսեցի քո բոլոր ասածները... Ո՛հ, ոքա՞ն ստոր եմ ես հիմա նրա աչքումը, ոքա՞ն ստոր... Բայց նա սխալվում է, այնպես չէ⁹. նա սխալվում է...

Նունուֆարը, երկար ժամանակ հոգեպես տանջվելով, թուլացավ և ընկավ անկողին: Թագավորին իմաց տվին. նա գնաց տեսավ, բժիշկներ կանչեց. հավաքվեցան բոլոր բժիշկները, հույս տվին թագավորին, թե՝ հիվանդությունը վտանգավոր չէ և շուտով կբժշկեն, բայց դրա հակառակ, քանի գնաց՝ Նունուֆարի տկարությունը վտանգավոր դարձավ. բժիշկները հուսահատվեցան և ուղղակի հայտնեցին, որ չեն կարողանում իմանալ ոչ ցավի պատճառը և ո՛չ նրա բժշկելու հնարը:

Շատ տիրեց թագավորը: Նունուֆարը նրա միակ զավակն էր, միակ միսիթարությունը, իր թագավորության միակ ժառանգուիին: Ամբողջ պալատը և համարյա ամբողջ քաղաքը տիրության մեջ ընկավ: Արեգնազանն էր միայն անտարբեր մնացողը: Նրա հոգը չէր ամեննին, և չէր էլ երևակայում, որ ի՞նքն է նրա տիրության միակ պատճառը:

Նունուֆարին փոքրիշատե սփոփողը և ուրախ տրամադրություն տվողը թագավորի ծաղրածուն էր, իսկ նրա վրա հսկողն ու խնամք տանողը վեզիրի կինն էր:

Վեզիրի այրի կինը մի հասած տղա ուներ: Նա կարծում էր, որ թագավորին արժանավոր փեսացու միայն իր տղան կարող է լինել և ոչ մի ուրիշը: Այս պատճառով նա զիշեր-ցերեկ չէր հեռանում Նունուֆարի մոտից. աշխատում էր նրան առողջացնել և միևնույն ժամանակ նրա սերը գրավել:

— Տիրուիի՛, ի՞նչ կտաս, որ ես քեզ բժշկեմ,— ասաց մեկ երեկո ծաղրածուն:

— Ի՞նչ պիտի տամ, հիմա՞ր, եթե մի հնար զիտես՝ Էլ ո՞ր օրվան համար ես պահում:

— Այդ լավ ասացիր. ինձ պես հիմարին ո՞վ բան կտա. ուրիշ բան է, եթե ես մի հիմար քժիշկ լինեի: Սպասի՞ր, ես պիտի տեսնեմ՝ քո խելքդ զիտո՞ւմդ է, թե՞ քեզանից խռովել է, գնացել է ուրիշի գլուխ մտել:

— Այդ ինչպե՞ս պիտի իմանաս:

— Այ ինչպես: Եթե տասնից երկու պակսեցնես՝ կարո՞ղ ես Էլի նորմեկանց տասը շինել:

— Ինչո՞ւ չէ. տասնից կապակսեցնենք երկու, կդառնա ութ. ութի վրա երկու կավելացնենք, կդառնա Էլի տասը:

— Այդ ինչպե՞ս կարելի է. տասնից որ երկու գջես^[4], Էլ ինչպե՞ս կարող ես կպցնել նրան: Հիմա որ քո մի կուռը կտրենք, մեկ էլ նորմեկանց տեղը դնենք, կկպչի՞...

— Այդպես չէ, հիմա՞ր: Եթե դու ունենաս տասը խնձոր, նրանցից երկուսն ուտես՝ տեղը չի՞ մնալ ութ: Հիմա այս տիկինը, որ քեզ երկու խնձոր տա, կավելցնես մնացած ութի վրա, Էլի կունենաս տասը խնձոր:

— Հա՛, հիմա հասկացա: Ուրեմն՝ դու այնպես ես հաշվում, որ կերած խնձորների տեղը կարելի է ուրիշ խնձորներ դնել:

— Իհա՞րկե, կարելի է:

— Իսկ ես այնպես էի կարծում, թե՝ կերածը կերած է, կորածը՝ կորած, մեռածը՝ մեռած. Էլ դրանք ետ չեն դառնալ: Ուրեմն, այս տիկինն ինչո՞ւ է մեկ մնացել: Սա մեկ մարդ ուներ, մեռավ. առաջ սա և իր մարդը երկու էին. հիմա եթե սրա վրա ուրիշ մեկ մարդ ավելացնենք՝ խոմ Էլի կդառնա՞ երկու: Բայց առաջվան մեկը վեզիր էր, ողորմի՞ իրան, խելոք մարդ էր կարծվում, երկրորդ մեկը թող լինի մեկ հիմար կարծվող ծաղրածու: Այս հանգամանքը

խոմ մեր հաշվին չի՝ դիպչիլ. տիկինը, որ հիմա մեկով պակաս է՝ առաջվա պես կդառնա երկու...

— Դու իմ հոգսը մի՛քաշիր, հիմա՛ր,— ասաց տիկինը.— դեղ զիտես՝ քո տիրուհուդ համար արա. թող ես մեկ մնամ...

— Տիկի՞ն, իմ տիրուհին մեկ է, սրան ուրիշ մեկ չի պակսիլ, բայց ուզում է երկու դառնա: Ես հիմա մտածում եմ, որ սրա համար մի այնպիսի «մեկ» գտնեմ, որ եթե սրա վրա ավելացնենք՝ դառնա էլի մեր առաջվան Նունուֆարը:

Ծաղրածուն մատը ճակատին դրավ և մի փոքր մտածելուց հետո բացականչեց.— Գտա՛, գտա՛...— Եվ սկսեց երգել.

Մե՛կ — թե՛զ, մեր Արեգ,
Չո՛րս — մո՛րս, գնաց որս.
Վե՛ց — նե՛ց, ըսպանեց
Մի արջիկ, մի աղջիկ...

Ես հաշվեցի և գտա
Մեր պալատում մի տղա,
Նրան տեսնող աղջիկը
Խելքը հացով կուլ կըտա:

Ես հիմար եմ, միշտ հիմար,
Ինձ ո՞վ կասի, թե՛ գտար
Իմ սիրելի տիրուհու
Ցավի համար դեղ ու ճար:
Ցարալլալի, շարալլալի,
Հայդե՛, հիմա՛ր, դո՛րս արի...

Երգեց հիմարը և, մի քանի ոստյուններ անելով, դուրս փախավ...

Վեզիրի կինը «մատը կծեց» և ընկավ մտատանջության մեջ: «Ես հիմա հասկացա ամեն բան,— ասաց իր մտքումը:— Հիմարն իմ հաշիվը տակնուվրա արավ: Շա՝ տ լավ. քո Արեգին մի այնպիսի տեղ ուղարկեմ, որ գնալն ըլի, գալը չըլի»...

— Մեր հիմարն այնքան հիմար չէ, ինչքան կարծվում է,— ասաց տիկինը Նունուֆարին:

— Այո՛, բայց այս անգամ շատ հիմարացավ,— պատասխանեց Նունուֆարը:

Մյուս առավոտը ամենից կանուխ վեզիրի կինը գնաց թագավորի մոտ:

— Ի՞նչ կա, ինչպե՞ս է աղջկանս առողջությունը,— հարցրեց թագավորը:

— Ելի այնպես է, տե՛ր թագավոր, ինչպես տեսել ես. բայց ես եկել եմ քեզ մի ուրախառիթ լուր հաղորդելու:

— Ի՞նչ լուր, ասա՛ շուտով, գուցե իմ աղջկանն է վերաբերում. ուրիշ ո՛չ մի լուր ինձ չի կարող ուրախացնել:

— Այո՛, այո՛: Այս գիշեր երազումս երևաց մեր թագուհին և ասաց ինձ, որ Նունուֆարի միակ դեղը «անմահական ջուրն է»:

— Ան-մա-հա-կան ջո՛ւր...— բացականչեց թագավորը,— բայց ո՞վ կարող է բերել այդ անմահական ջուրը, որի միայն անունն ենք լսած, իսկ իրան չենք տեսած:

— Ես հարցրի այդ մասին թագուհուն, և նա ասաց, որ միայն Արե՛գը կարող է բերել...

— Արեգը... լա՛վ, ես կուղարկեմ Արեգին, թող երթա իր բախտը փորձե...

Թագավորը կանչեց Արեգին և առաջարկեց նրան գնալ անմահական ջրի:

— Գնա՛, տղա՛ս, եթե կարողանաս այդ շրից քերել և իմ աղջկանս առողջացնել՝ ես նրան քեզ կտամ և նրա հետ իմ թագավորությունը:

— Այդ խոստումն էլ որ չինի, տե՛ր արքա, ես պատրաստ եմ հնագանդիլ քո հրամանին,— ասաց Արեգը,— դու ինձ ասա միայն՝ որտե՞ղ է գտնվում այդ անմահական ջուրը:

— Նրա տեղն ո՞վ կիմանա, որդի՛: Նա մի առանձին պարզեց է, մի առանձին ողորմություն և շնորհը, որ բարի ոգիները միայն իրանց ընտրածին են տալիս: Թեպետ լսած ենք, թե՝ նա մի աղբյուր է, թե՝ նրա վրա հսկում են աներևույթ ոգիները, որ նա երբեմն բխում և երբեմն անհայտանում է, բայց այդ ո՞վ զիտե: Դու երեսդ կդարձնես դեպի արևելք, կընկնես երկրե երկիր, աշխարհե աշխարհը, ամեն տեղ հարցուփորձ կանես, կա՛մ կգտնես, կա՛մ չես գտնիլ. այդ քո ճակատազրից, քո բախտիցն է կախված. բայց ինչ էլ որ լինի՝ հաջողություն թե անհաջողություն, դու շատ բան կտեսնես և շատ բան կսովորես: Իմ գանձարանը բաց է քեզ համար. որքան կարող ես՝ հետդ ոսկի և ակնեղեն վերցրու. շատ տեղ հարկավոր կզա...

3

Արեգնազանը գնաց:

Զարմանալի մի էակ էր Արեգնազանը. միշտ աշխույժ ու զվարթ, միշտ անահ ու անհոգ. նեղության մեջ ընկած ժամանակ ևս իր ուրախ տրամադրությունը չէր փոխում: Նա գնաց իր Բազիկ ձիով, որ երեք-չորս օրվան ճանապարհը մեկ օրումն էր անցնում: Նա պտտեց մի քանի թագավորություն, շատ տեղ հարցուփորձ արավ, շատ բան տեսավ, շատ նեղություններից ազատվեցավ, մինչև հասավ կախարդական աշխարհը, ուր ամեն մի քայլափոխում մի նոր հրաշք էր տեսնում, մի նոր զարմանալիք:

Մեկ օր սաստիկ արև էր: Շոգը որ շատ նեղեց Բազիկին՝ Արեգնազանը իջավ մի լճի մոտ, Բազիկին քաշեց կապեց մի խիտ ստվերի մեջ, ինքն էլ մոտը նստեց, հանեց իր ձամփի պաշարը և սկսեց ձաշել: Հենց այդ միջոցին մեկ էլ տեսավ, որ ահա՝ մի խումբ աղավնիներ թռած եկան և իջան լճի ափին՝ իրանից շատ մոտիկ: Նետաղեղը լարեց, որ մի որս անե, մեկ էլ տեսավ, որ բոլոր աղավնիները հանեցին փետուրները և, աղջկերք դառնալով, թափվեցան ջուրը լողանալու:

Արեգնազանը մնաց ապշած մի բոպե. հետո մտածեց նրանց հետ մի խաղ խաղալ և տեսնել՝ ի՞նչ կլինի հետևանքը: Կուզեկուզ մոտեցավ ափին՝ այնպես, որ իրան չտեսան, վերցրեց նրանցից մեկի փետուրները: Երկու մեծ թև էր աղավնու, մնացած փետուրներն էլ վրան:

Չանցավ մի քանի բոպե, բոլոր աղջկերքը դուրս եկան, հազան իրանց թևերն ու թռան, բայց մեկը, որ իր թևերը չգտավ, ամաչեց մերկ կանգնել ջրի ափին, իսկույն իրան զցեց ջուրը: Արեգնազանը, այդ նկատելով, թևերը ձեռին մոտեցավ աղջկանը: Աղջիկը, ջրումն ընկղմված, միայն գլուխը դուրս հանած, մոտեցավ Արեգնազանին և սկսեց երգել.

Այ տղա, սիրո՞ւն տղա,
Թևե՞րը տուր, թևե՞րը,
Թևերը տուր, թռչիմ գնամ,
Ինչ կամենաս՝ քեզ կըտամ:

Իմ օրումս չեմ տեսած
Քեզ պես սիրուն մի տղա,
Այդքան գեղեցկության մեջ
Սիրտ չի լինիլ անզգա:

Խնայի՞ր ինձ, աղաչո՛ւմ եմ,
Թևե՛րըս տուր, թևե՛րըս,
Թևերըս տուր, թռչիմ գնամ,
Ինչ կամենաս՝ քեզ կըտամ:

Եթե իրավ տղա ես՝
Կուզեմ դառնաս դու աղջիկ,
Որ քո սեռում չլինի
Քեզ հավասար գեղեցիկ:

Տե՛ս, ահա ես քեզ օրհնում եմ.
Թևե՛րըս տուր, թևե՛րըս,
Թևերըս տուր, թռչիմ գնամ,
Ինչ կամենաս՝ քեզ կըտամ:

Աղավնի աղջիկը լոեց և, վիզը ծոած, մի ամենաքնքուշ ժպիտ բերանին՝ նայում էր Արեգնազանին և սպասում, որ իր թևերն ստանա:

Արեգնազանին այնքան դուր եկավ Աղավնի աղջկա երգի եղանակը, որ ասում էր. «Ո՛չ ուտեմ, ո՛չ խմեմ, սա երգի, ես լսեմ»...

— Շարունակի՞ր, շարունակի՞ր, մի քիչ էլ երգիր,— խնդրեց Արեգնազանը:— Քո երգը ինձ շատ է դուր գալիս, դեռ այդպես բան լսած չկամ կյանքումս: Միայն մի բան ես չհասկացա, սիրո՛ւն աղջիկ: Դու ասում ես. «Եթե տղա ես, աղջիկ դառնաս».— այդ ինչպե՞ս կարելի է:

Աղջիկը շարունակեց երգել.

Ամենայն ինչ կարելի է,
Ո՛չ մի դժվար բան չկա.
Եթե իրավ աղջիկ դառար՝
Հիմա դարձի՞ր քաջ տղա:

Թող երեսիդ մորուք բըսնի
Թուխ ու երկայն բեղերով,
Թող կոշտանա սիրուն դեմքըդ
Հաստ ջիղերի գծերով:

Ո՛հ, տեսնում եմ, դու փոխվում ես...
Թևե՛րը տուր, թևե՛րը,
Թևերը տուր, թռչիմ գնամ,
Ինչ կամենաս՝ քեզ կըտամ:

Մի վայրկենական ուշաթափություն եկավ Արեգնազանի վրա, և նա զգաց մի անսովոր բան, բայց շատ հաճոյական: Նայեց ջրի երեսին, ուր, ինչպես հայելու մեջ, պատկերացավ մի դեմք, բոլորովին Արեգնազանին նման, միայն՝ նորածիլ բեղերով ու մորուքով: Այդ պատկերն առաջ մի քիչ խորթ թվաց Արեգնազանին, բայց հետո այնքան զմայլելի եղավ, որ վրան նայելուց չէր կշտանում:— Այս ե՛ս կլինիմ անպատճառ,— ասաց ինքն իրան:— Ես հիմա ճշմարիտ որ Արեգ եմ:

— Սիրո՛ւն աղջիկ, դու տվիր ինձ այն, ինչ որ իմ միակ ցանկությունս էր. այժմ դու ազատ ես, ես չեմ սպասում քեզանից այսպես բան. ուրեմն, դու ինձ կասես, դու անպատճառ կիմանաս, թե՛ որտե՛ղ է գտնվում անմահական ջուրը, որի համար ես ահա քանի ժամանակ է թափառում եմ:

Աղջիկն սկսեց երգել.

Թող Նունուֆարդ ուրախանա,
Որ ձանկ զցեց քեզ պէս փեսա,
Հիմա հասար քո մուրազին՝
Եկար աղջիկ, կերթաս տղա:

Անմահական ջո՞ր ես ուզում...
Թևե՛րըս տուր, թե՛րըս,
Թևերըս տուր, թոչիմ գնամ
Եվ իմ կտցով բերեմ տամ:

Գնա՛ օգնիր տկարներին,
Հոգի ու շունչ տուր քարերին.
Թե որ կուզես, ինչպես հիմա,
Մնալ փոխված այդպես տղա,

Իսկ եթե ոչ՝ լա՛վ գիտենաս,
Որ տղայից քար կըդառնաս,
Երբ քարացած քաղաքի մեջ
Կախարդ կընկան կըմոտենաս:

Թևե՛րըս տուր, թե՛րըս,
Թևերըս տուր, շուտ հազնեմ,
Թոչիմ գնամ և քեզ համար
Անմահական ջուր բերեմ...

Աղջկա վերջին խոսքերից շատ բան չհասկացավ Արեգը, բայց, չուզենալով այլս ուշացնել նրան, թևերը տվավ իրան: Աղջիկը թևերը հազնելուն պես դարձավ աղունակ և թռավ գնաց: Մի քանի րոպէ չանցած՝ մի փոքրիկ շիշ կտցին, անմահական ջրով լիքը, բերավ Արեգին տվավ և ինքը կրկին թռավ գնաց:

Արեգը ձին հեծավ և ճանապարհ ընկավ՝ ձիու հետ խոսելով.

— Բազի՞կ, ես հիմա տղա եմ, գիտե՞ս, ել աղջիկ չեմ: Առաջ աղջիկ էի. այդ ոչ ոք չգիտեր, գուցե դու ել չգիտեիր. հայրս պատվիրել էր, որ ոչ ոքի չասեմ, թե՝ ես աղջիկ եմ. բայց հիմա տղա դառա: Օ՛, որ գիտենաս, Բազի՞կ, ինչքա՞ն ուրախ եմ հիմա: Դու չես իմանում. թեպետ աղջիկն ել լավ է, բայց տղային որտե՞ղ կհասնի: Ես հիմա չգիտեմ՝ ո՞ւր եմ գնում: Բազի՞կ, դու ի՞նքդ գնա՝ որ կողմ կուզես. այսուհետև ինձ համար միևնույն է... Բայց սպասի՛ր, ես մի աշտարակի ծայր եմ նշմարում, նա անպատճառ մի քաղաք կլինի, գնանք դեպի այն կողմը: Զարմանալի անհոգ եմ ես, Բազի՞կ. մեկ չես ասում, թե ինչո՞ւ այդ իմաստուն աղջկանը չհարցրիր, թե՝ ո՞վ դու գեղեցիկ և իմաստուն աղջիկ, ո՞ր կողմով պիտի ետ դառնամ ես իմ աշխարհը: Դեռ լավ էր, նա առանց իմ ասելուն՝ ինձ տղա դարձրեց. որ բանն ինձ մնար՝ ես դեռ ելի աղջիկ կլինեի: Ի՞նչ կարող էի մտածել, որ այդպես բան կարող է պատահել: Բայց երբ որ տեսա, թե այդպես բան լինում է, ինչո՞ւ չասացի՝ սիրո՞ւն աղջիկ, ինձ որ տղա դարձրիր՝ մեր Բազիկին ել մարդ դարձրու, կամ եթե ոչ՝ գոնե խոսելու ձիրք տուր. իը՝, ի՞նչ կասես, Բազի՞կ:— Ոչի՞նչ, դու տղա դառար, ես ելի մնացի ձի:— Իրա՞վ, իրա՞վ, այդ լավ չեղավ: Մի բան տեսնելիս այնպես հափշտակվում եմ, որ բոլոր մնացած բաները մոռանում եմ. հետո միտս է զալիս, բայց ուշ է լինում...

Այսպես ձիու հետ խոսելով և նրա փոխանակ ինքը պատասխանելով՝ մեր վերանորոգված Արեգը ոդիմեց դեպի երևացող աշտարակը:

Երբ որ Արեգը մոտեցավ բարձր աշտարակին՝ հետզհետե երևացին և ուրիշ շատ տներ, և նրա առջև բացվեց մի մեծ քաղաք: Մոտեցավ քաղաքադրանը, տեսավ մի քանի մարդիկ կանգնած, հարցրեց նրանց.

— Տղե՛քք, ի՞նչ քաղաք է սա, և որտե՞ղ են իշխում օտարականները:

Մարդիկը ձայն չհանեցին:

— Չե՛զ եմ ասում, տղե՛քք, չե՞ք հասկանում:

Զայն չկա:

«Երևի խուլ են», — մտածեց Արեգը և գնաց ձեռը դիպցրեց նրանց:

— Ո՛վ երկինք, — բացականչեց Արեգը, — այս ի՞նչ եմ տեսնում. այս ի՞նչ հիանալի արձաններ են, իսկ ես կարծեցի, թե ուղիղ մարդիկ են: Այս ինչքա՞ն ճարտար քանդակագործ է եղել սրանց շինողը...

Արեգը, կարծելով, թե իր տեսածներն ուղիղ շինովի արձաններ են, ներս մտավ քաղաքը, և նրա առջևը բացվեցին նորանոր տեսարաններ, բոլորն էլ քարեղեն:

Ահազին շուկա, կարգին խանութներ, թե՛ կրպակ, թե՛ տուն, թե՛ կատու, թե՛ շուն, ուտելիք ու հազնելիք, գեղեցիկ գորգեր և ուրիշ զարդեր... բոլորը, բոլորը քարացած: Ո՛չ ծուխ, ո՛չ կրակ, ո՛չ ձայն, ո՛չ շունչ... կյանքի հետք ու նշույլ չկա...

— Ես հիմա՝ հասկացա. սա՛ է Աղավնի աղջկա ասած քարե քաղաքը, — ասաց Արեգը և սկսեց շրջել քաղաքի մեջ, ուր ամեն մի քայլափոխում մի նոր տեսարանի էր հանդիպում:

Մի տեղ մի խումբ մարդիկ կանգնած՝ որպես թե իրար հետ խոսում են. մեկի դեմքը բարկացած է և բերանը բաց, կարծես մյուսին հայինում լինի. մեկը ծիծաղում է, մյուսը լաց է լինում. մի կին, երեխան գրկած, ողորմություն է ուզում. մի տեղ հարսանիքի հանդես է իր ամեն սարք ու

կարգով. հարսին տանում են փեսայի տուն: Մեկ խոսքով՝ եթե շարժման մեջ եղած մի քաղաք մի վայրկյանում տեղնուտեղը քարանա, ինչ պատկեր կստանա, ահա՝ այդպիսի մի պատկեր էր ներկայացնում քարացած քաղաքը: Մրգավաճառը միրզը քաշել է և կիսով չափ ածել առնողի զամբյուղը, մինչև մյուս կեսն ածելը քարացել են՝ ինքն էլ, կշեռքն էլ, առնողն էլ, միրզն էլ. ահա՝ այսչափ արագ էր եղել քարանալը:

— Խե՞ դժ մարդիկ,— ասաց Արեգը,— հոդ դառնալու էլ չեք արժանացել, այլ՝ դառել եք ծախու ապրանք: Ճշմարիտ, եթե մեկը այս անթիվ արձանները կարողանար տանել հեռու աշխարհքներ վաճառելու՝ անշափ հարստություն կդիմեր: Ահա՝ այն նորապսակ աղջկա արձանին, ով գիտե, իր քաշովը մեկ ոսկի կտային: Բայց ի՞նչ եմ մտածում ես էլ. այս թշվառությունն աշկարա տեսնողն էլ ի՞նչ կարող է հարստության վրա մտածել: Ահա՝ հարստություն՝ մեր առջև պատկերացած իր իսկական կերպարանքով... Այս, երանի՝ թե՝ սրանցից մեկը լեզվավորվեր և ինձ պատմեր իրանց գլխի անցքը: Արի՝ մեկ բղավեմ, ինչ կլինի՝ կլինի:

— Ո՞վ քաղաքացի՝ ք... ինչո՞ւ եք քարացե՞լ...— կանչեց Արեգը:

— Քարացե՞լ...— արձագանք տվին բոլոր քարերը:

— Ք...ա՞...ր,— հանկարծ մի նոր ձայն լսվեցավ:

— Ահա ձայն լսեցի,— ասաց Արեգը և մեկ էլ բղավեց.— Ո՞վ կաք կենդանի՞...

— Ե...ե՞...ս,— պատասխանեց ձայնը:

Արեգը որոշ կերպով լսեց, թե որտեղից է գալիս ձայնը, զնաց դեպի այն կողմը: Մի գեղեցիկ ապարանք էր, առջևն ընդարձակ պարտեզ, բոլորն էլ քարացած: Մի փոքրիկ ծաղկոցում նա գտավ մի քարացած մարդու կենդանի գլուխ:

— Ո՞վ ես որու, ո՞վ մարդ,— հարցրեց Արեգը:

— Զո՞ւր... զո՞ւր... — պատասխանեց գլուխը, հազիվ կարողանալով խոսել:

— Զո՞ւր ես ուզում:
— Զո՞ւր... զո՞ւր... տո՞ւր... տո՞ւր...
— Հայրի՝ կ, ձեր քաղաքի ջուրն էլ է քարացել, ջուր չկա:
— Մի՛... մի՛... կա՛թ... կա՛թ...
— Մի կաթիլ ջուրը քեզ ի՞նչ կօգնե. քո ծարավը մի կարաս ջրով չի հազենալ: Ես ունիմ ինձ մոտ մի քանի կաթիլ ջուր, եթե կբավականանաս՝ չեմ ինայիլ քեզանից:
— Հա՛... հա՛... հա՛...

Արեգը հանեց անմահական ջրի շիշը և նրանից մի քանի կաթիլ կաթեցրեց կիսարձանի բերանը: Կենդանի գլուխը ոչ միայն կատարելապես զովացավ, այլև զգաց մի վերակենդանության ցնցում իր բոլոր մարմնի մեջ և սկսեց պարզապես ասել.

Դու քարի՛ հրեշտակ,
Որտեղի՞ց եկար,
Փախի՛ք, հեռացի՛ք
Մի առ ժամանակ.

Բայց ո՛չ, սպասի՛ք,
Ես էլ եմ զալիս...
Այն՛, զալիս եմ,
Նայի՛ք, մեկ նայի՛ք...

Կիսարձանը կենդանացավ և սկսեց քայլել, առաջ մի փոքր դանդաղ, հետո ավելի շուտ-շուտ, և սկսեց փախչիլ՝ իր հետևից կանչելով Արեգին.

— Փախի՛ր, փախի՛ր, որդիս, ե՛կ իմ հետևիցս, մեզ հարկավոր է թաքշիլ. իմանալու ուր որ է՝ պիտի զա քարացնող պառավ հրեշը: Արի՛, արի՛, մտնենք իմ ապարանքը, գոնե քեզ չգտնե:

Արեգը մնացել էր շփոթված, չեր իմանում, թե ի՞նչ աներ, բայց վերջը հետևեց փախչող մարդուն: Զին քաշեց ներս, վարի հարկումը մի մութ անկյունում կապեց, իսկ ինքը վերև բարձրացավ այն մարդու մոտ:

— Ես չեմ հասկանում, թե՝ այդ ի՞նչ հրեշ է, որից այդքան վախենում ես դու, — ասաց Արեգը:

— Այդ հրեշը մի պառավ է, որդի՛, նա՛ է քարացրել մեր քաղաքը. ամեն օր այս ժամանակին զալիս է նայում և զվարճանում իր չարության վրա. իմանալու ուր որ է՝ պիտի զա, և եթե մեզ տեսնի կենդանի՝ իսկույն կքարացնե:

— Հիմա հասկացա: Բայց ինչպե՞ս է եղել, որ քեզ բոլորովին չեր քարացրել:

— Ավելի տանջելու համար: Ես այս քաղաքի թագավորն եմ. ինձ կասեն Անդաս թագավոր: Քավթառ հրեշը գլուխս կենդանի թողեց, ասելով.— Աչքերդ բաց եմ թողնում, Անդա՛ս, որ տեսնես քո թագավորության ոչնչությունը իմ զորության, իմ ուժի առջև:

— Ինչո՞ւմն է նրա զորությունը, կամ ինչո՞վ է նա ուժեղ, չգիտե՞ք:

— Նրա զորությունը իր գավազանների մեջն է: Նրա գավազանները մահ են սփռում ամեն տեղ: Նա մի զործիք է չար ոգիների ձեռքում և նրանցով է անում, ինչ որ անում է: Կամ, ո՞վ գիտե, գուցե հենց ինքը մի չար ոգի է՝ պառավի կերպարանք առած:

— Ի՞նչ ես կարծում, եթե դրա ձեռքից խլենք իր գավազանները...

— Բայց ինչպե՞ս կարելի է մոտենալ նրան. միայն բարի ոգիքը կարող են այդպիսի բան անել կամ այնպիսի մի մարդ, որ բարի ոգիների պաշտպանությունը իր կողմն ունի:

— Ինձ թվում է, որ բարի ոգիները կպաշտպանեն մեզ,— ասաց Արեգը և պատմեց Աղավնի աղջկա հետ հանդիպելը, նրա արածն ու ասածը...

— Օ՛... եթե այդպես է, ապա ուրեմն՝ դու մի բարի ոգի ես, երկնքից ուղարկված,— բացականչեց թագավորը:— Ես կարող եմ այժմ համարձակ դուրս գալ նրա առաջը, իսկ դու ինձ մոտ թաք կկենաս, և երբ հարձակվի ինձ վրա՝ դու իսկույն կրոնես նրան և զինաթափ կանես: Ահա՛, ահա՛ երևում է նա. տե՛ս, ամպերի մեջ, խնցու վրա հեծած, օձե մտրակը ձեռին գալիս է:

— Տեսնում եմ, տեսնում... դու սիրտդ պի՛նդ պահիր, չվախենա՛ս, ես նրա հոգին կհանեմ:

Այս ասելով իջան պարտեզ: Արեգը թաք կացավ մի քարացած ծերունու քամակում:

Պառավը վայր իջավ թագավորի դիմացը, ձեռքն առավ իր երեք գավազաններից մեկը և սպառնալով ասաց.

Այս ի՞նչ եմ տեսնո՞ւմ,
Այստեղ ո՞վ եկա՞վ,
Այս կյանքն, այս հոգին
Սորան ո՞վ տվավ:

Հասե՛ք, ոգինե՛ք,
Հասե՛ք, շո՛ւտ հասեք,
Չեր խեղճ պառավին
Եկե՛ք, օգնեցե՛ք:

Իսկ դու, գավազա՞ն,
Ինչպե՞ս ես զարկել,
Որ սա նորմեկանց
Ոտքի է կանգնել:

Հապս՝, գավազա՞ն,
Հապս՝ մեկ տեսնենք,
Քո զորությունը
Մեկ այժմ էլ փորձենք:

Գավազանը ձեռին հարձակվում էր պառավը, որ զարկեր թագավորին,
ասելով՝

Քա՞ր էիր, Անդա՞ս,
Էլի քար դառնա՞ս.

այս միջոցին Արեգը բռնեց նրա մազերից և այնպես գետին փողեց, որ
պառավը կիսաշունչ եղավ: Թագավորը, որ առանց ուղիղ քարանալու, այլ
միայն երկյուղից մնացել էր քարացած, նոր սրտապնդվեց և մոտեցավ
պառավին: Գավազանները խլեցին և պառավի ձեռք ու ոտքը կապեցին:

— Հիմա ի՞նչ պատժով պատժենք քեզ, զարշելի՝ պառավ,— ասաց
թագավորը:

Պառավը պատասխանեց.

Ինչ պատիժ կուզեք, մե՛կ է ինձ համար,
Թող ձեր պատիժը ձե՛զ լինի հարմար:
Բայց այդ դու չէիր, Անդա՞ս թագավոր,

Այլ՝ տղայացած աղջիկ զորավոր...

Գրված է արդեն իմ ձակատագրում
Եվ ոգիների մատենագրում,
Թե՛ երբ մի աղջիկ կըդառնա տղա՝,
Քո թշվառ կյանքին նա՝ վախճան կըտա:

— Օ՛... եթե այդպես է՝ ես պատրաստ եմ,— ասաց Արեգը,— միայն՝ դու պետք է առաջ կենդանացնես այս քաղաքը:

— Թող այդպես լինի, թող կենդանանա՝,
Թող ամեն մեկը իր գործին կենա.
Ուրիշ չարություն շատ ունիմ արած,
Թող Բելիարը^[5] նրանցով շատանա...

Ամպե՞ր, գոռացե՞ր,
Կայծակնե՞ր, զարկե՞ր,
Աղբյո՞ւր, բխեցե՞ր,
Գետե՞ր, վազեցե՞ր:

Մարդ և անասուն,
Գազան և թռչուն,
Հասա՞վ ձեր ժամը,
Հիմա վե՞ր կացեք...

Պառավն իր խոսքը ավարտած-չավարտած՝ խորին լոռությունը հանկարծ դդրդաց. քաղաքը մտքի արագությամբ կենդանացավ: Ամենքն էլ այնպես

շարունակեցին իրանց կիսատ թողած գործերը, որ կարծես ո՛չ քարացած են եղել երբեմն, ո՛չ բան: Աքաղաղը, որ իր կանչի կիսումն էր քարացել՝ մյուս կեսը հիմա ավարտեց. զուռնաշին, որ զուռնան բերանումն էր քարացել՝ շարունակեց ածելը. պար եկողն էլ, որ ձեռքերը բարձրացրած էր մնացել՝ շարունակեց իր պարը. խոհարարը շարունակեց մսի քափը քաշելը, և բոլորն այսպես... Ոչ մի մարդ, բացի թագավորից, չիմացավ, որ ինքը երբեմն քարացած է եղել:

- Հիմա ի՞նչ անենք այս շար պառավին,— ասաց թագավորը:
- Գավազանները ձգենք ծովը,— պատասխանեց Արեգը,— իսկ պառավին թողնենք երթա, սրա զորությունը վերացած է այսուհետև:

Պառավը չուզեց կենդանի մնալ և ասաց նրանց.

— Ինձ է՛ լ, ինձ է՛ լ ծովը ձգեցեք,
Այնտեղից մոտ է Սանդարամետը^[6],
Մահացու կյանքից ինձ ազատեցե՛ք,
Թող ինձ ընդունի Սատանապետը:

Լրացավ արդեն մի հազար տարին,
Որ ես գործիք եմ մեծ Բելիարի,
Միշտ չա՛ր գործեցի, չիմացա բարին,
Թող այժմ նորա կամքը կատարի:

Դեռ պառավն իր խոսքը չէր ավարտել, որ թագավորի մեծ վեզիրն ու սպարապետը եկան և, խոր գլուխ տալով թագավորին, ասացին.

— Տե՛ր արքա, բոլոր զորքը պատրաստ է, քո մեծության հրամանին ենք սպասում:

— Ինչո՞ւ համար եք պատրաստել զորքը, — հարցրեց թագավորը զարմանալով:

— Մենք կատարեցինք քո հրամանը. թշնամու զորքը մոտենում է, պետք է նրա առաջքն առնել:

— Սպասեցե՛ք, սպասեցե՛ք... այո՛, այո՛, ես հիմա հիշում եմ... այդ մեզանից ուղի՞ղ քառասուն տարի առաջ եր, ինչ որ ասում եք. մեր քարանալու օրն եր... թշնամու զորքերը եկան և, մեզ քարացած գտնելով, սարսափած փախան...

Վեզիրն ու սպարապետը իրար երես նայեցին և շշնչացին միմյանց.

— Թագավորը խելազարվել է... Այո՛, այո՛, զարմանալի՛ փոփոխություն, երեկ չէ՞ր, որ մոտն էինք. մեկ օրվա մեջ ծերացել է...

— Տեսնո՞ւմ եք դուք այս պառավին, — ասաց թագավորը, — սա՛ է մեր քաղաքի քարացնողը: Քառասո՞ւն տարի շարունակ սա մեր քաղաքը քարացրած պահեց...

Վեզիրն ու սպարապետը, թագավորին գլուխ տալով, համաձայնություն ցույց տվին, որ իբր թե հավատում են նրա ասածին, բայց իրար հետ շշնչալով՝ «հաստա՛տ խելազարված է սա», ասացին:

— Եթե սա չլիներ, — շարունակեց թագավորը, ցույց տալով Արեգին, — եթե սա չլիներ՝ մենք հավիտյան քարացած կմնայինք: Սա որ մի հրաշքով աղջկանից տղա էր դառել, և աղավնի դարձող աղջկանից անմահական ջուր էր ձեռք բերել, պատահմամբ ասեմ, թե Երկնքի տնօրենությունով, եկավ և ինձ կենդանություն տվավ իր ջրով, այս չար պառավին էլ բռնեց ու զինաթափ արավ: Այժմ այս պառավին ձե՛զ եմ հանձնում. տարե՛ք սրան ծովը ձգեցեք... ահա՛ այս գավազանները ևս ծովը ձգեցեք...

Վեզիրն ու սպարապետը դարձյալ սկսեցին շշնչալ՝ դեպի մի կողմ քաշվելով:

— Հաստա՛տ, հաստա՛տ խելագարվել է, — պնդեց վեզիրը:

— Դրան ի՞նչ կասկած, — կրկնեց սպարապետը: «Սա՛, ասում է, աղջիկ է եղել, տղա է դառել, մի աղջիկ էլ աղավնի է դառել, ինքն էլ անմահական ջուր է խմել, իսկ մենք՝ որպես թե քառասուն տարի է, որ քարացած ենք եղել...»: Խելքը գլխին մարդը մի՞ թե այդպիսի բաներ կխոսի:

Այս մարդոց կասկածը շատ բնական էր: Վեզիրը քարանալուց առաջ ճաշի էր նստած և գդալը ձեռին բերանը տանելիս քարացել էր, իսկ այսօր գդալը տարել էր բերանը և իր ճաշը վերջացրել, եկել: Սպարապետը, ոտքի մեկը ձիու ասպանդակումը դրած՝ հեծնել ուզելիս էր քարացել, և այսօր էր ոտքը մյուս կողմն անց կացրել և հեծնել ձին ու եկել. Էլ ուրեմն, ինչպես կարող էին երևակայել, որ երբսիցեւ քարացած են եղել:

— Գիտես ինչ կա, թագավոր, — ասաց Արեգը ծածուկ: — Այս մարդիկը քո խոսքերին չեն հավատում և քեզ խելագար են համարում: Այս շատ վտանգավոր բան է. կարող են քեզ ճշմարիտ խելագար համարել և թագավորությունից զրկել: Հիմա դու սպասիր, տես՝ ես ինչ եմ անում, և ի՞նձ հետևիր: — Հետո, դառնալով վեզիրին ու սպարապետին, ասաց.

Եկե՛ք, պարոններ, եկե՛ք,
Մի՛ կասկածեք բնավին,
Տեսե՛ք՝ ինչպե՞ս եմ պատժում
Այս անըզգամ պառավին:

Այս ասելուց հետո, կախարդական գավազաններից մեկը ձեռին, մոտեցավ պառավին և ասաց.

Հրամանով
Բելիարի,

Ուրիելի,
Սադայելի^[7]՝
Քա՛ր դառ, պառա՛վ, քա՛ր...

Ասաց ու զարկեց գավազանը: Պառավը դառավ մի քած^[8] էշ և սկսեց խառանչել^[9]...

— Ա՛յ քեզ բան,— բացականչեց Արեգը,— երևի այս գավազաններից ամեն մեկը մի ջոկ զորություն ունի, կամ գուցե իմ անեծքս էր իշավարի, և պառավն իր խառանչյունով ծիծաղում է ինձ վրա: Փորձենք երկրորդ գավազանը:

Սադայելի ահեղ սրով,
Տարտարոսի^[10] մեծ զնդանով,
Քեզ զարկում եմ, անիծում եմ,
Քա՛ր դառ, պառա՛վ, քա՛ր...

Պառավը դարձավ մի սև ազոավ և ուզեց թոշիլ, բայց ոտները կապած էին, չկարողացավ...

— Սպասեցե՛ք, երրորդ գավազանը փորձենք:
Առավ երրորդ գավազանը և սկսեց ավելի թունդ անիծել՝ կարծելով, թե իր անեծքի թուլությունիցն է, որ պառավը քար չի դառնում:

Քարեկարկո՛ւտ,
Արյունանձրե՛,
Մե՛զ, մառախո՛ւտ,
Թանձր մոա՛յլ,
Խիտ աղօամո՛ւդզ,

Թունդ երկրաշա՛րժ,
Մահտարաժա՛մ^[11],
Որո՛ւ, կայծա՛կ,

Հրդե՛հ, կրա՛կ,
Նավթահեղե՛ն
Դժոխային
Թափվի զլիսիդ,
Ո՛վ սև ազռավ,
Դահի՛ձ պառավ...
Քեզ զարկում եմ
Չա՛ր մահակով,
Դազանակո՛վ,
Որոտմունքի
Թո՛ւնդ մտրակով,
Կայծակների
Ահե՛ն զարկով,
Անեծքս ա՛ռ,
Դարձի՛ր լեռ քար...

Ասաց ու զարկեց զավազանը, և պառավը դարձավ մի դաժանատեսիլ քարե արձան: Հետո, դառնալով վեզիրին ու սպարապետին, ասաց Արեգը.

Հիմա ամառն է, բայց դուք չըգիտեք.
Այս շոգ կրակին մուշտակ եք հագել.
Զմեռն է եղել, երբ քարացել եք,

Էնդուր^[12] եք հիմա այդ ձևով եկել:

Մա՛րդ ուղարկեցեք մի ուրիշ քաղաք,
Որ գնա բերե ձեր տարեթիվը,
Նրանով կիմանաք ձեր գլխի անցքը,
Կուղղեք ձեր այժմյան սխալ հաշիվը:

Եթե ո՞չ ես ձեզ էշեք կըշինեմ,
Կամ սև ագռավներ՝ երթաք կոկոաք,
Որ այսուհետև ձեր թագավորը
Ինչ որ ձեզ ասե՝ իսկույն հավատաք...

— Օ՛... ես հիմա հավատո՞ւմ եմ, հավատո՞ւմ,— ասաց վեզիրը,— այս բոլորը աչքովս տեսնելուց հետո՝ կը մ կարող չհավատալ... Ճշմարիտ որ ձմեռն է երել, իսկ հիմա... ամառն է... այո՛, ամառն է...

— Ես կ եմ հավատում, ես կ... ես չեմ ուզում ո՞չ էշ և ո՞չ ագռավ դառնալ, իսկ քարանալու ախորժակ բնավ չունիմ... իրա՛վ, ի՞նչ շոգ է այսօր, քիչ է մնում, որ այրվիմ...

— Տե՛ր արքա, ճաշը պատրաստ է, թագուհին ձեզ է սպասում,— ասաց մի պալատական՝ խոր գլուխ տալով թագավորին:

— Երթա՛նք, երթա՛նք, մի կտոր հաց ուտենք,— ասաց թագավորը:— Ահա՛ քառասուն տարի է, որ պատառ չեմ դրել բերանս, բայց, ուղիղն ասեմ, չեմ կ քաղցել: Միայն ծարավս շատ էր տանջում ինձ երբեմն, և ավելի ևս սաստկացավ, երբ լսեցի Արեգի ձայնը: Երեկի իմ ծարավիլն էլ Երկնքի կամքովն էր, նրանով պիտի գտնեի իմ փրկությունը... Երթա՛նք, երթա՛նք, մի կտոր հաց ուտենք...

Անդաս թագավորը լավ կշտացրեց թե՛ Արեգին և թե՛ նրա Բազիկին։ Արեգին պահեց թագավորը մինչև քսան օր. այդ քսան օրվան մեջ շատ թագավորներից դեսպաններ եկան և շնորհավորեցին Անդասի և նրա քաղաքի վերակենդանությունը։ Նույն քաղաքից հազարավոր մարդիկ կային հեռավոր երկիրներ գնացած, որոնք իրանց քաղաքին պատահած պատուհասից վախենալով՝ չէին վերադառնում. այժմ եկան ավելի բազմացած թվով, որոց և թոռանց տերեր դարձած, մինչդեռ քաղաքի աճելությունը, քարանալու պատճառով, դադարել էր։

Նորեկները, իմանալով, որ Արեգն է այն բարի հրեշտակը, որ հաղթել է չարին և կյանք տարածել չարի մահ սփռած տեղը՝ նրան աստվածավայել պատիվներ տվին Ճոխ խնջուքներով։ Թագավորն ինքը մի մեծ խնջույք տվավ, ուր ներկա էին հազարավոր անձինք։ Ինքն էր բոլոր զվարձություններին ընթացք տվողը, ինքն էր առաջարկում կենաց թասերը։ Երբ Արեգի կենաց բաժակը ձեռքն առավ, սկսեց խոսիլ թագավորը և ասաց.

— Ի՞նչ էինք երեկ և ի՞նչ ենք այսօր.

Դո՛ւ պատասխանիր, Անդա՛ս թագավոր.

— Քա՛ր էինք երեկ, քա՛ր անշունչ, կանգուն,
Իսկ այսօր՝ մարդիկ, կենդանի, շարժուն...

Ի՞նչ հեշտ պատասխան... բայց ո՞վ կըմբռնե,
Ո՞վ կըզգա, թե ի՞նչ սոսկալի բան է
Շարունակ տանջվիլ քա՛ռա՛սո՛ւն տարի,
Փշալի՛ց ձեռքում մի անգութ չարի...

Եվ ահա այդ խիստ, չա՛ր կապանքներից,

Անխորտակելի այդ շղթաներից
Մեզ ազատում է մի չքնաղ ողի,
Ամեն տեղ սփռում և կյանք, և հոգի...

Ո՞վ էր այդ Քաջը, այդ Առաքինին.
Ահավասիկ Նա՝ Արեգ պատանին.
Նա՝ է, որ սրբեց իմ սուզն ու լացը.
Խմե՞նք Արեգի անգին կենացը...

Թագավորի այս առաջարկության վրա հազարավոր ձայներ, միասին «կեցցե՛ Արեգը» գոչելով, թնդացրին ամբողջ ապարանքը: Աշըներն էլ, որ թագավորի ակնարկելուն էին սպասում, խմբովին հնչեցրին հիսնաղի քնարները^[13] և երգեցին միաձայն.

Արի՛, բյուլբյո՛ւլ, ուրախացի՛ր,
Քո վարդն ահա՛ բացվել է.
Վերադարձի՛ր, էլ մի՛ վախիր,
Քո թագուհին բացվել է:

Արեգն իջավ Երկնքիցը,
Ամենայն տեղ կյանք սփռեց,
Քարերն ամեն հոգի առան,
Քո կարմիր վարդն էլ բացվեց:

Արի՛, բյուլբյո՛ւլ, ուրախացի՛ր,
Քո վարդուհին բացվել է.

Արի երգի՛ր, կլ մի՛ վախիր,
Քո թագուհին բացվել է...

Արեգը մեկ Արեգակ է,
Քաջ պատանու կերպ առած,
Սա բարի է, առաքինի,
Արևի պես ողորմած:

Արի՛, բյուլյո՛ւլ ուրախացի՛ր,
Քո վարդուհին բացվել է.
Արի երգի՛ր, կլ մի՛ վախիր,
Քո թագուհին բացվել է...

Աշըները դեռ երկար կշարունակեին Արեգին գովասանել, եթե Արեգը, համեստությունից ստիպված, չընդհատեր նրանց իր հետևյալ պատասխանական ձառով.

Ես մի թույլ էակ, չնչին արարած,
Չգիտեմ արդյոք ի՞նչ ունիմ արած,
Որ ինձ տալիս եք այսքան փառք, պատիվ,
Այսքան գորովանք, մաղթանք անհաշիվ.

Ի՞նչ գտավ արդյոք Երկինքն ինձանում,
Ես այդ չգիտեմ և չեմ իմանում,
Որ ցույց է տալիս այսչափ սեր և գութ,
Հարթում է առջևս ամեն խոչ ու խութ.

Առյուծն իմ առջև քծնում է շան պես,
Վիշապը դառնում մի վախկոտ մողես,
Աղբյուր է բխում ապառաժ տեղում,
Դարավոր ճահիճն առաջիս ցամքում...

Եթե բոլորը, ինչ որ տեսել եմ,
Այժմ մի առ մի ձեր առջև պատմեմ,
Կըտեսնեք, որ սա մի բախտ է միայն
Եվ շնորհք Երկնի միջամտության...

Ուստի մենք Նրա՞ն և միայն Նրա՞ն
Պիտի համարենք պաշտելու արժան.
Նա՞ վերացրեց չարի զորություն,
Նորա՞ն պիտի տանք փառք և զոհություն...

* * *

Չնայած Արեգի համեստությանը՝ քաղաքացիք նրան ոյուցազանց կարգը ձգեցին, որ երախտապարտ չմնան Երկնքի առջև: Եվ ահա՝ ինչպես: Տեսան, որ պառավի սոսկալի արձանից վախենում են բոլոր երեխաները և շատ մեծեր էլ՝ նրան տարան ծովը նետեցին: Նա ընկավ ուղղակի դժոխքի վրա և իր ուժգին զարկովը ամբողջ դժոխքը իր միջի չար ոգիների անթիվ լեզեններովը^[14] մի հազար մղոն^[15] էլ ցած զլորեց... Դրանից հետո հավաքվեցան քաղաքի բոլոր ճարտարապետներն ու նկարիչները, քաշեցին Արեգի պատկերը՝ Բազիկի վրա հենած. նրա ձևով շինեցին մի ոսկեձույլ արձան: Այդ արձանը կանգնեցրին քաղաքի կենտրոնում եղած

մեծ պարտեզումը, որ զբոսավայր էր ամենի համար, մանավանդ՝ երեխայոց, որոնք այնուիետև միշտ նրա չորս կողմումն էին խաղում և վրան նայելով՝ զմայլում: Արեգը շտեսավ իր արձանը. նա այդ ժամանակ արդեն գնացել էր: Նա երազումը տեսավ, որ Նունուֆարը վերջին շնչումն է, շտապեց վերադառնալ, որ գուցե կարողանա օգնություն հասցնել:

5

Նունուֆարը վերջին շնչումն է:

Ել ո՛չ ծաղրածվի կատակները, ո՛չ վեզիրի կնոջ հոգատարությունը, ո՛չ հոր աղաչանքն ու հառաչանքը չեն ազդում նրա վրա:

Լեզու չունի, որ խոսի, ուժ չունի, որ ձեռքը շարժե:

Ակնապիշ նայում է դեպի վեր, կարծես Երկնքիցը լինի սպասում իր փրկությունը կամ ուզում լինի շուտով թռչիլ դեպի Երկինք:

Թագավորը և բոլոր պալատականները, ձեռքները խաչ արած, վիզները ծոած նայում էին Նունուֆարի երեսին և ախ ու վախ քաշելով՝ խոստովանում իրանց անզորությունը Ամենակարողի կամքի առջև:

Այս աղեկտուր բոպեին մեկ էլ լսվեցավ, որ Արեգը եկել է:

Նունուֆարի աղախինը ամենից շուտ վազեց Արեգի մոտ և շտապեցրեց նրան, ասելով.

— Շո՛տ արա, եկ տե՛ս, վերջին շնչումն է, աչքը քեզ է մնում...
— Ահա՝ գալիս եմ,— պատասխանեց Արեգը,— հիմա կգամ և կտեսնեմ քո Նունուֆարին...

Լուր հանդիսականների միջով լուր ու մունջ անցավ Արեգը, մոտեցավ Նունուֆարի մահձին, հանեց անմահական ջրի շիշը, մի կաթիլ կաթեցրեց բամբակի վրա և քսեց Նունուֆարի մեռելատիա շրթունքներին:

Նունուֆարի աչքերը պարզվեցան:

Արեգն այդ նկատեց և մի քանի կաթիլ կաթեցրեց ուղղակի բերանի մեջ:

Նունուֆարը երկու ձեռքով ծածկեց երեսը...

Նա տեսավ Արեգին և... ճանաչեց:

Նա մի նոր կյանք զգաց, կյանք՝ աշխուժով լի, երևակայությամբ ձնխացած...

Չեռներով ծածկեց երեսը, որ երևակայությունն ամփոփէ: Ամփոփէ երևակայությունը, որ այդ րոպեի երկնային զվարձությունն ու զմայլմունքը լիուլի վայելե:

— Արեգը եկել է,— ասում է նա ինքն իրան՝ երեսը ծածկած երկու ձեռքով, իբրև երկու վահանով, որ ուրիշ տպավորությունների տեղի չտան.— Արեգը եկել է,— կրկնում է Նունուֆարը,— և ես առողջ եմ, բոլորովին առողջ, շատ առողջ: Ես զգում եմ, զգում եմ, որ շատ առողջ եմ, և... Արեգն էլ եկել է... Ես տեսա. նա ինձ մոտ կանգնած է այս րոպեիս: Ես զգում եմ նրա ներկայության անմահական հոտը: Անմահական էր նրա տված դեղը: Հենց ինքն էլ մի անմահ Ոգի է: Ինչպէս մեծացել է, ինչպէս առույգացել ի՞նչ նորածիլ բեղեր ունի, ի՞նչ գանգուր մորուք... Բանամ երեսս, մեկ էլ նայեմ...

Նունուֆարը բաց արավ երեսը և նայեց Արեգի երեսին այնպիսի հայացքով, որ միայն մոր հայացքն է լինում իր երեսին՝ «հազա՛» կամ «Ճիտա՛» ասելիս... և կրկին փակեց երեսը:

Այդ հայացքը, որի մեջ ամփոփված էր կենդանության հրափայլ ոգին, ամենքը տեսան, և ամենքն էլ, կարծես խոսք մեկ արած, միաձայն քրքիջ բարձրացրին՝ փա՛ռ-փա՛ռ ծիծաղելով: Այդ ծիծաղից անմասն չմնաց և ինքը՝ Նունուֆարը: Նա էլ ծիծաղեց. կարծես ուրիշների տեղիք տալուն էր սպասում, որ մի կուշտ ծիծաղի: Այս էլ որ տեսան մի վայրկյան առաջ սպավոր հանդիսականները՝ բոլորովին միամտվեցան. Էլ ուշադրություն չդարձրին Նունուֆարի վրա, և սկսեցին փոխ առ փոխ զգվել ու համբուրել

Արեգին: Թագավորը իր զիրկն առավ Արեգին և սկսեց երեխայի նման հեկեկալ: Թագավորի ուրախության զգացումն անսահման էր: Նա մի վայրկյանում երկու որդի էր գտել, մինք՝ կորած տեղից, մյուսը՝ մեռած տեղից: Ամենքի աչքերից ուրախության և զմայլմունքի արտասուր հնուց:

Հանդիսականների այս տեսակ իրարանցումից օգուտ քաղելով՝ Նունուֆարը ծտի պես վեր թռավ տեղիցը, փախավ մտավ մի այլ սենյակ, այնտեղ շուտով հազնվեցավ, զուգվեցավ թագուհու վայել զարդարանքներով և դուրս եկավ հանդիսականների մեջ այնպես ուրախ ու զվարք և այնպես առողջ, որ հիացան ամենքը, բայց մանավանդ Արեգը, որի համար մի բոլորովին նոր արև ծագեցավ:

Եթե Արեգը մի վայրկյանում վերակենդանացրեց Նունուֆարին՝ հիմա էլ Նունուֆարը, իր գեղեցկության ազդեցությամբ՝ Արեգի այնպիսի երակները շարժեց, որոնց միջով կարծես մինչև նույն րոպեն դեռ արյուն չեր խաղացած: Արեգը մի նոր կյանք զգաց իր մեջ, մի նոր զգացմունք՝ անսահման հաճոյական, բայց ինքն իրան հաշիվ տալ չկարողանալով և միևնույն ժամանակ այդ իրան համար տարօրինակ զգացմունքը զսպել ուզենալով՝ սկսեց խոսիլ խելքը թոցրածի պես:

— Հիմա՝ եմ զգում, որ ես՝ Էլ ես չեմ...

Բայց թե ես ո՞վ եմ՝ այդ Էլ չգիտեմ.

Ինձ հափշտակեց Աղջիկ Աղավնին,

Եվ տեղս դրավ այժմյան Արեգին.

Անիրավ աղջիկն իմ ուշքս տարավ,

Արեգնազանիս լճի մեջ առավ,

Իր քաղցր երգով ինձ քնացրեց,

Եվ իմ տեղս նա մի ուրիշ դրեց...

Հանդիսականները բերանաբաց նայում էին և ոչ մի բան չէին հասկանում
Արեգի ասածներից:

— Ափսո՞ս տղա, երևի խելքը կորցրեց, — ասում էին շատերը:

Վերջը Նունուֆարը մոտեցավ Արեգին և խղճալի կերպով ասաց.

— Արե՞գ, իմ հոգյա՞կ, ի՞նչ է այդ, ի՞նչ կա,

Գուցե իմ տեսքով քեզ դուր չի եկա.

Դու հանգիստ եղիք. Ես կերթա՞մ, կերթա՞մ,

Որ ինձ չտեսնես ել ո՞չ մի անգամ...

Ես սիրում եմ քեզ, զիտե Երկինքը.

Բայց այդ չի ուզում գուցե Նա Ինքը,

Որ չի թույլ տալիս քեզ՝ ինձ ձանաչել

Եվ, ինչպես որ կամ, ինձ այնպես տեսնել.

Երթամ, ուրեմն, իմ սև օրս լամ,

Քանի որ ել քեզ՝ պիտի չերևամ:

— Ո՞ւր, ո՞ւր, սպասի՞ր, ես քեզ չե՞մ թռղնիլ.

Առանց քեզ մի օր՝ ել ես չե՞մ ապրիլ.

Թող երկինք, զետինք իրար խառնըվին,

Դու կըպատկանիս միայն Արեգին.

Թող ամբողջ աշխարհը տակնուվրա ըլի,

Ել քեզ ինձանից ոչ ոք չի՛ խլի.

Արարած աշխարհ ես պտըտվեցա,

Գեղեցիկ, սիրուն շատերին տեսա,

Բայց քեզ պես չքնաղ, անհատ, աննման,

Քե՛զ է ստեղծել Երկինքը միայն.
Դու ի՞մն ես, ի՞մն ես, սիրո՛ւն Նունուֆար,
Իմ բոլոր կյանքս կըտամ քեզ համար.
Ինչ սիրտըդ ուզի, ինչ որ կամենաս՝
Հրամայի՛ր ինձ, իսկույն կստանաս:
Իմ ասածներս դու չհասկացար,
Էնդուր ես կարծում, թե՛ ինձ դուր չեկար.
Ես այն չե՛մ, այն չե՛մ, ում որ տեսել ես,
Նա գնա՛ց, կորա՛վ երևոյթի պես.
Ես է՛լ եմ Արեգ, բայց ո՛չ առաջին,
Նրան գողացավ Աղջիկ աղավնին...

— Եթե այդպես է՝ ինձնից հեռացի՛ր,
Դու ինձ կյանք տվիր, վարձըդ ստացի՛ր:

— Ես չեմ կյանք տվել, ի՞նչ վարձ կամ ի՞նչ զին.
Դու ի՞նքն ես իմ կյանքն, իմ սիրտն, իմ հոգին...

— Էլ ես կյանք չունիմ և պիտի մեռնիմ,
Երբ չկա Արեգ՝ էլ ինչո՞ւ ապրիմ...

— Իզուր մի՛ մեռնիլ, ես է՛լ եմ Արեգ,
Մի՞թե ես չունիմ նորա շափ արժեք...

— Բայց դու ուրիշ ես, ի՞նքըդ ես ասում...

— Այդ ես ինքս էլ լավ չեմ հասկանում...

— Սպասեցե՛ք, սպասեցեք, ես վերջ կտամ ձեր վեճին,— ասաց թագավորը:— Արեգ, ասա՝ ինձ, հոգիս, դու ո՞ւմ որդին ես:

— Արման իշխանի որդին էի մի ժամանակ, բայց հիմա չգիտեմ՝ Էլի նրա՞ որդին եմ, թե՞ մի ուրիշի:

— Քո այդ պատասխանն է ահա, որ մենք չենք հասկանում, բայց քեզ լավ ենք ձանաչում: Դու մեր Արեգն ես, միևնույն գեղեցիկ Արեգը, միայն մորուքդ է ավելացել ու բեղերդ... — Սպասի՛ք, սպասի՛ք, խնամի՛ թագավոր,— մեջ ընկավ ծաղրածուն:— Աչքդ լո՛ւս, փեսադ եկել է, բայց ուրախությունից ինքն իրան կորցրել է, հիմա ման է զալիս՝ չի գտնում: Արե՛գ եղբայր, ե՛կ՝ ես ու դու մի պայման անենք. Ես դառնամ «դու», իսկ դու դառ «ես». այնուհետև Նունուֆարը կդառնա «իմ», իսկ հիմարը՝ «քեզ». համաձա՛յն ես...— ասաց ծաղրածուն և սկսեց երգել.

Ա՛խ, ես հիմար եմ անչափ,
Բայց ո՛չ այս տղայի չափ,
Ես որ մի աղջիկ գտնեմ՝
Էլ չեմ ասիլ. «Ես՝ ես չեմ...».

Յարալլալի, շարալլալի,
Հայդե՛, հիմար, պա՛ր արի...

Մինչդեռ ծաղրածուն այսպես երգով ու պարով զվարձացնում էր հանդիսականներին, ներս մտավ Արմանը:

Արեգն իր հորը տեսնելուն պես վագեց գիրկն ընկավ և մի քանի ուրախության բացականչությունից հետո փսփսաց ականջումը.

— Գիտե՞ս, հայրի՝ կ, ես հիմա տղա՛ եմ, տղա՛, իսկ և իսկ տղա, ձշմարիտ տղա. կարո՞ղ ես երևակայել...

— Իհա՛րկե, տղա ես, հոգի՝ ս, հապա ի՞նչ պետք է լինեիր...

— Բայց չէ՞ որ, հայրի՝ կ, բայց չէ՞ որ... ախը՛ր...

— Դու առաջ էլ էիր տղա, հոգի՝ ս, բայց այդ զգիտեիր դու, նոր ես սկսել ճանաչել քեզ. առաջ անմեղ էիր ինչպես հրեղեն, հիմա մարդ ես դառել հողեղեն, բայց այդ վնաս չունի, հոգի՝ ս...

— Օ՛... Եթե այդպես է, ուրեմն ես՝ ե՛ս եմ եղել. վազեմ Նունուֆարին ասեմ...

Արմանը մոտեցավ թագավորին և սկսեց շշնչալ նրա ականջին բանի էռոթյունը, իսկ Արեգը վազեց Նունուֆարի մոտ:

Եթե որ Արեգը նորից մոտեցավ Նունուֆարին՝ ավելի ուրախ ու զվարք դեմքով, Նունուֆարը բռնեց Արեգի ձեռքից մի այնպիսի քնքուշ ժպիտով, որ Արեգը քիչ մնաց նորից թոցներ խելքը:

— Դու մեր Արեգն ես, այնպես չէ՞,— ասաց Նունուֆարը:

— Իհարկե, հոգի՝ ս, հապա ո՞վ պետք է լինիմ,— պատասխանեց Արեգը:

— Ուրեմն, մենք է՛ լ չենք բաժանվիլ միմյանցից: Եթե գիտենաս ինչքա՞ն մաշվել եմ քո կարոտով... Հիմա եկել ես և հանկարծ ասում ես՝ «Ես՝ ես չեմ». հապա ո՞վ ես, որ դու չես:

— Ո՛չ, ո՛չ, հիմա ես՝ ե՛ս եմ. հիմարն ինձանից խելոք է... Արի՛ շոքենք թագավորի առջև, և նա օրինե մեզ... Բայց, սպասի՛ր, հայրիկիս շհարցրի, թե՝ ո՞ւր են իմ քույրերը:

— Նրանք այստեղ են: Քո գնալուց հետո ես ձերոնց բերել տվի, որ քո կարոտը նրանցից առնեմ: Ես արդեն ուղարկեցի իմաց տալու, հիմա կգան ուր որ է...

— Ինչքա՞ն բախտավոր եմ ես, ուրեմն, որ այդքան բարի ես եղել դու...
Ուրեմն, դեռ շշտապենք. զնանք մեր հագուստը փոխենք. հիմա՝ միտս
ընկավ: Անդաս թագավորից ես քեզ համար էլ, ինձ համար էլ հարսանեկան
հագուստ եմ բերել: Նա ընծայեց այդ հագուստները և խնդրեց, որ
անպատճառ այդ ունենանք հագներիս մեր հարսանիքին, որին, իր ասելով,
ինքը հոգվով ներկա կլինի: Ես չեմ ընդունում, որովհետև այս բոպեի
քաղցրությունն այն ժամանակ երևակայել չեմ կարող: Շատ բաներ եմ
տեսել, հետո կպատմեմ քեզ: Չեմ տեսել միայն քեզ պես մի չքնաղ էակ...
Ինչքա՞ն գեղեցիկ ես դու, Նունի՞կ...

Այսպես խոսելով, ձեռք ձեռքի տված՝ դուրս եկան Արեգն ու
Նունուֆարը, բայց երկար սպասեցնել չտվին:

Մի քանի բոպեից հետո տեսարանը՝ մի կախարդական ասեմ, թե
երկնային, կերպարանք ստացավ:

Պալատի ընդարձակ դահլիճը լցվեցան թե՝ տղամարդիկ, թե՝ կանայք՝
շքեղ հագուստներով զարդարված: Այստեղ էին և Արեգի քույրերը:

Երբ որ Արեգն ու Նունուֆարը ներս մտան Անդասի ընծայած
հագուստովը զարդարված՝ անթիվ անգին քարերի ձառագայթները,
ծիրանի ծովից ծագող արեգակի պես, գույնզգույն լուսով լուսավորեցին
ամբողջ դահլիճը: Չոքեցին թագավորի առջև, որ օրինե իրանց:

Թագավորը մի քանի բոպե չկարաց խոսիլ, հազիվ էր կարողանում
բռնել ուրախության արտասուքը: Վերջապես սկսեց օրինել մեր
նորապսակներին՝ ասելով.

Ո՞վ Երկինք,

Ես մի հողեղեն,

Մի թույլ արարած,

Որ չարն ու բարին

Դեռ լավ չգիտե,
Իմ սրտի՞ն նայիր,
Եվ ո՞չ իմ լեզվին.
Եվքն՝ իսկ ձեռքով,
Ինչ որ բարի է՝
Դու այն տո՞ւր սրանց:

Ի՞նչ ունիս բարի,
Քո ծոցում պահած,
Որ մինչև այսօր
Ոչ մի հողեղեն
Դեռ չի ստացած,
Դու այն տո՞ւր սրանց:

Դու մինչ այսօր էլ
Շատ բան ես տվել.
Արև վառվուն,
Աստղեր շողշողուն,
Զեփյուռ անշըշունջ,

Այեր^[16] քաղցրաշունչ,
Անձրև հորդառատ,
Ցող մարզարտահատ.
Աղբյուրք զովարար,
Վտակներ վարար,

Գույն-գույն ծաղիկներ,
Ծառեր մրգաբեր,
Անտառներ մարմանդ^[17],
Դաշտեր արգավանդ,
Լեռներ հովասուն,
Գետեր գալարուն,
Լճակներ վճիտ,
Սար, ձոր և հովիտ...
Այս ամեն բարիք,
Ո՞վ պայծառ Երկինք,
Թույլ տուր վայելեն,
Քեզ փառաբանեն...

Թագավորի օրինությունն ավարտած-չավարտած՝ մի նոր լուսով լուսավորվեց դահլիճը: Մի ծիածան կապվեց, ծիածան անտես, աննման, հրաշալի՝ այնքան, որ ամպերում կապվող աղեղը նրա մոտ մի մոայլ ամպ կարելի էր համարել... Ի՞նչ լեզու կարող է պատմել, ի՞նչ գրիչ կարող է գրել, կամ ի՞նչ վրձին կարող է նկարել...

Ամենքն էլ նրան էին նայում և տեսնում էին, թե ինչպե՞ս էին կազմվում նրա գույները հետզհետե. կարծես աներևույթ ոգիք, արագ-արագ վազելով, երկնային մատներով մի նոր ծիածան լինեին հինում, և երկնքումը լինին կապելիս Արեգի ու Նունուֆարի հարսանեկան Կանաչ-Կարմիրը^[18]: Հիրավի՝, այդ Կանաչ-Կարմիրը, թվում էր, թե՝ դահլիճի առաստաղից շատ ու շատ բարձր է և շատ հեռու:

Եվ ահա՝, երբ ծիածանն ամբողջապես պատրաստ էր, նրա վրայով, իբրև մի լուսեղեն սանդուղքով, ցած իջան մի խումբ երկնային թագուհիք՝

աստղերի ճառագայթներից և ձյունափայլ ամպերից գործած հագուստով մի-մի արեգակ... Բայց ի՞նչ արեգակ... եթե ցերեկ լիներ, և արեգակը նրանց տեսներ՝ ամպեղեն մի քող կքաշեր երեսին, որ տեղի տար նրանց լույսին...

Բոլոր երկնային օրիորդները, որոնք թվով մինչև ինը հոգի էին, երկերկու պսակածն փունջեր ունեին ձեռներին՝ ո՛րը ցողից քաղած, ո՛րը ծաղիկների գույնից ու հոտից փնջած, ո՛րը վճիտ աղբյուրների բյուրեղացած գոհարներից հավաքած, ո՛րը քաղցրաշունչ զեփյուրից ու զովարար հովերից հյուսած, ո՛րն արևի շամանդաղի^[19] մեջ եղած գույնզգույն հյուլեներից^[20] կազմած... մի խոսքով՝ լուսեղեն մատներով բնության բոլոր զարդերի ոգին էին քաղել ու փնջել: Այդ փունջերի անմահական բուրմունքովը լցվեցավ բոլոր դահլիճը:

Ամենից առաջ մոտեցան Աղբյուրիկը, Ցողիկը ու Ծաղիկը և, իրանց պսակները տալով Արեգին ու Նունուֆարին, ասացին.

ԱՂԲՅՈՒՐԻԿ

Ես կարկաչյունն եմ Աղբյուրիկ,
Եկել եմ ձեզ աչքալուսիկ,
Բերել եմ ձեզ բյուրեղահյուս
Ականակիտ, վճիտ փնջիկ:

ՑՈՂԻԿ

Ես գոհարիկն եմ բույսերի,
Ես մարզրիտն եմ հովիտների,
Ահա՝ մի փունջ՝ ցողից քաղած
Հազարավոր կանաչների:

ԾԱՂԻԿ

Ես Ծաղիկն եմ մշտադալար,
Ես անթառամն եմ բեղմնարար,
Բոլոր ծաղկանց գույնն ու հոտը
Ահա՝ բերել եմ ձեզ համար...

Այսպես մոտեցան և մյուսները և, մի-մի բան ասելով, իրանց պսակները նվիրեցին Արեգին ու Նունուֆարին...

Այս տեսարանը մի տիսրություն և թմրություն բերավ հանդիսականների վրա: Շատերը բոլորովին վերացան ապշությունից: Ամենից շատ տիսրեցան աղջկերքը: Նրանց գեղեցկությունն աղոտացավ, թխացավ ու մզացավ հրեղենների գեղեցկության մոտ: Երիտասարդները դարձան մի տեսակ ապուշ վայրենիք, նրանց վստահությունը բոլորովին անհետացավ...

Միայն Արեգն էր ուրախ, միայն նա էր ազատ այդ ընդհանուր ապշությունից: Այդ հոգեկան թմրությունից հանդիսականներին սթափելու համար Արեգը դարձավ լուսեղեն հյուրերին և ասաց.

— Ո՞վ երկնային թագուհիք, դուք ձեր շնորհաբեր այցելությունովը ինձ չափազանց ուրախացրիք: Բայց, նայեցե՛ք, այս ի՛նչ ապշություն է, այս ի՛նչ տիսրություն, որի մեջ ընկղմվել են ամենքը: Մի՛ զարմանաք: Այսպէ՛ս ենք մենք՝ տկար հողեղեններս. ի՛նչ ոք չափազանց բարի է, չափազանց գեղեցիկ, նույնը վայելելու կարողությունը չունինք մենք՝ մահկանացուներս: Ճշմարի՛տ բարվո և գեղեցկի ճաշակից զուրկ արարածներ ենք մենք: Ներշնչեցե՛ք մեր սրտերի մեջ վսեմ զգացմունք և բարձրագույն կարողություն, ոք ձեր երկնային շնորհաբերությունը լիապես վայելել կարողանաք: Խնդրում եմ՝ ուրախանաք, խնդաք և

զվարձանաք իմ հարսանյաց հանդեսին և ուրախացնեք ամենքին երկնային ուրախությունով...

Բանից երևաց, որ մեր լուսեղեն օրիորդները, թեև մարմնացած, բայց չափազանց համեստ, չափազանց ամոթիած և երկյուղած են եղել. պետք է եղել, որ նրանց ստիպեն: Արեգի խոսքերից խրախուսվելով՝ առաջ անցավ Ծաղիկը և, իբրև կարգադրիչ, մի պար սարքեց: Ծիածանի կամարը, իբրև մի երկնային բյուրաղի^[21] քնար, թրթռացրեց իր հազարերանգ թելերը և այնպիսի եղանակներ հնչեց, որ թե՛ հողեղենների և թե՛ նույնիսկ հրեղենների մեջ ձգեց հրաբորքոք մի աշխույժ: Ամեն ոք սկսավ թև առնել թռչիլ չափազանց ուրախությունից: Ծերերն անգամ թռչկոտում էին ու շահիլների դանդաղկոտության վրա ծիծաղում: Հետզհետեւ այնքան տաքացան, որ է՛լ զվարձություն չմնաց, որ չանեն: Ցողիկն ու Աղբյուրիկը այնքան զվարձացրին, որ էլ ոչ ոքի մեջ ուժ չմնաց շատ ծիծաղելուց: Մե՛րք Արեգի մորուքիցն էին բռնում, մե՛րք Նունուֆարի թշերը կսմթում և զանազան հաճոյական բաներ փսփսում նրանց ականջին...

Արեգը, Ցողիկի հետ պարելիս, մի խոր հայացք ձգեց նրա երեսին և փսփսաց ականջին.

— Ո՛վ համեստափայլ օրիորդ, ես կարծեմ ձանաչում եմ քեզ... Այո՛, ձանաչս գալիս ես, բայց չեմ վստահանում ասել. վախենում եմ, թե՛ միզուցե սխալված լինիմ:

— Սխալված չես, Արե՛գ,— պատասխանեց Ցողիկը,— ես նա ինքն եմ:

— Աղավնի աղջի՞կը:

— Այո՛: Մրանք էլ բոլորը իմ քույրերս են...

— Օ՛... դու իմ աստվածուհի՞ն ես... դու ինձ նորից ստեղծեցիր...

— Ո՛չ, Արեգ: Ես գիտեի միայն, որ դու ոչինչ զգիտես քո մասին: Այդ իմ մորս՝ Բարենանի կամքովն էր եղած: Նա ուրիշ հնար չուներ այն չար

պառավին վերացնել աշխարհից: Պետք էր քեզ պես մի անմեղ և արդար անձն, որ մինչև անգամ չիմանար իր ինչ լինելը և ավելի աղջիկ, քան տղա համարվեր: Դու երբ որ ինձ մոտ տեսար քո կերպարանքը, տեսար, որ տղա ես, այսուամենայնիվ, դա քեզ համար մի խաղ էր, որ ես խաղացի, ինչպես որ դու, իմ թեկու վերցնելով, ուզեցար մի խաղ խաղալ: Միայն այս երեկոյին զգացիր, որ դու տղամարդ ես: Դու մեղադրում էիր ինձ, մենք թաքուն նայում էինք քեզ վրա և ծիծաղում...

Ցողիկի այս ակնարկությունից ամոթի զգացմունքը առաջին անգամ զգաց Արեգը, բայց այնքան սաստիկ էր, որ նա կարմրեց վարդի պես և ուզեց խոսակցության առարկան ուրիշ բանի վրա դարձնել. հանկարծ մյուս կողմից մի այնպիսի ծիծաղ բարձրացավ, որ ամենքն էլ այն կողմը դարձրին իրանց ուշադրությունը:

Զանազանը և Զարմանազանը պարապում էին՝ մեկը վեզիրի տղայի հետ, մյուսը՝ սպարապետի: Ծաղիկը լսել էր նրանց փսխոցը, նկատել էր, որ նրանք վաղուց աշքադրել են միմյանց, և այժմ էլ պսակվելու ցանկություն ունին, բայց ամաչում են ասելու:

— Նոր սե՞ր, նոր ուրախությո՞ւն,— գոչեց Ծաղիկը մի բարձրածայն ծիծաղով և նորահարսներին քարշ տալով՝ տարավ թագավորի մոտ և ասաց.

— Մի պսակով ի՞նչ պետք է լինի, երեքը միասին կատարեցե՞ք:

Թագավորն ու Արմանը նրանց էլ օրինեցին, և սկսվեց պսակների հանդեսը: Ցողիկը դարձավ իբր պսակադիր Նունուֆարի, Ծաղիկը՝ Զանազանի, իսկ Աղբյուրիկը՝ Զարմանազանի: Պսակի օրինությունը կատարեց թագավորը Ծիածանի կամարի տակ, որ այդ փառավոր հանդեսին ավելի ևս շքեղություն էր տալիս: Թագավորն իր թագն էլ դրավ Արեգի գլխին, որով պսակեց նրան և՝ թագավոր միանգամայն:

Դրանից հետո հրեղեն օրիորդները շնորհավորեցին նորապսակներին և պատրաստվեցան երթալու։ Հազար տեսակ քաղցրեղեններ և մեղրաջրեր մոտ բերին, բայց հրեղենք նրանց համը չառան։ Նրանք ուրիշ խմելիքներ ունեին իրանց հետ բերած, նրանից խմեցին և խմեցրին նաև նորապսակներին, որոնք ակամա խմեցին, առանց նրա համն զգալու, բացի Արեգից, որին միայն էր տրված նրա երկնային ձաշակն առնելու շնորհքը։ Վերջը մի շրջան կազմեցին երկրայինք, և մինչդեռ հրեղենք վերանում էին ծիածանի սանդուղքով, ասելով՝ մնացեք բարյա՛վ, բարյա՛վ... հողեղենք էլ նրանց բարի ձանապարհ էին մաղթում, երգելով.

Գնացե՛ք բարյավ, սիրո՛ւն աղջիկներ,
Դուք մեր Դաշտերի Անմահ Ոգիներ...
Այս ի՛նչ շնորհք էր, ինչքա՛ն մեծ բարիք,
Որ դուք մարմնացած մեզ երևացիք...
Ա՛յս, երանի՛ թե՛ միշտ մեզ մոտ մնաք,
Որ ձեր տեսության կարոտը չզգանք...
Գնացեք բարյա՛վ, բարյա՛վ, բարյա՛վ...

* * *

Հրեղեն աղջկերքը վերացան թե չէ՛ մեջտեղ եկավ ծաղրածուն, և սկսվեցավ մի նոր զվարճություն։

— Խնամի՛ թագավոր, շե՛ն կենա քո հոր օջախը... կերանք, խմեցինք, լիացանք...— ասաց ծաղրածուն և սկսեց երգել.

Ա՛յս, թագավոր, թագավոր,
Ինչո՞վ ասեմ շնորհավոր...
Ո՛չ հաց ունիս, ո՛չ զինի,

Այսպես հարսնիք կըլինի՞...

Յարալլալի, շարալլալի,

Այսպես հարսնիք կըլինի՞...

— Իրա՞վ, մի՞թե հաց չպիտի ուտենք, — ասաց թագավորը: — Մենք ամենք ել ամեն բան մոռացել ենք, որովհետև խելքներս կորցրել ենք, բացի հիմարից, որ խելք չի ունեցել կորցնելու...

— Դու սխալվում ես, թագավո՞ր, — պատասխանեց հիմարը, — ես տեսա, որ դուք ամենքդ ել իմ հացը կտրել եք, գնացի մի ձոխ սեղան պատրաստել տվի, որ քաղցած չմնամ: — Այս ասելով՝ ծաղրածուն վազեց բաց արավ սեղանատան դռները, ուր, հիրավի՛, ձոխ ընթրիք կար պատրաստված: Հյուրերն սկսեցին թագավորի հետևից ջուխտ-ջուխտ մտնել սեղանատուն: Ծաղրածուն՝ տեսնելով, որ ինքը մենակ պիտի մնա, վազեց մեզ ծանոթ վեզիրի կնոջ մոտ և, գլուխը վեր բերելով՝ երգեց.

Ով խելք ունի՝ սեր չունի,

Ով սեր ունի՝ տեր չունի.

Խեղճն ամենից հիմարն է,

Որ ոչ մի ընկեր չունի:

Արի՛, տիկին, ես ու դու

Շիտակ խոսք տանք մեկմեկու,

Թե՝ «դու իմն ես, ես՝ քոնք».

Համաձա՞յն ես, ձե՛ռքը տու...

Ասաց ծաղրածուն և, տիկնոջ ձեռքից բռնելով, մյուսների հետ մտավ սեղանատուն...

* * *

Մյուս առավոտուն սկսվեցավ հարսանիքի տոնախմբությունը քաղաքացոց ու զյուղացոց համար և տևեց մինչև քառասուն օր և քառասուն գիշեր: Ամեն մեկ օրը մի բոպեի պես էր անցնում. այսքան զվարձալի էին: Ի՞նչ խաղեր, ի՞նչ պարեր, ի՞նչ ծաղրածություններ, մրցություններ և հազար ու մի տեսակ օյիններ...

Կեր ու խումին բնավ հաշիվ չկար: Տասը հազար միայն եղ ու կով մորթեցին, քան հազար ոչխար, թո՞ղ վայրի կենդանիները՝ եղջերուները, եղնիկները, վարագները, թո՞ղ և թռչունները՝ թե՛ տանու և թե՛ վայրենի: Քառասուն հազար սոմար^[22] միայն բրինձ գնաց փլավի համար, ինչքան եղ կերթար նրան, ինչքան չամիչ... հիսուն հազար կարաս միայն զինի խմվեցավ՝ չհաշված մյուս քաղցրահամ և դառնահյութ խմիչքները...

Քառասուն օրից հետո Արեգը մի թեթև ճանապարհորդություն արավ Նունուֆարի հետ Վանա ծովի վրա: Երբ որ ծովի ամենախոր տեղն էին հասել, Արեգը հանեց չար պառավի կախարդական գավազանները, որոնք անհայտ մետաղից էին, դժոխքի կրակով միւված^[23], և ասաց.

Ո՞վ գավազաններ, գնացե՞ք անդունդ,

Որ էլ չերևաք աշխարհիս վրա.

Իշխանությունը չար ոգիների
Թողե՞ք մեզանից իսպառ վերանա:

Ո՞վ գավազաններ, գնացե՞ք անդունդ,

Որ ոչ մի մարդու էլ չը իշացնեք.

Կորե՞ք հավիտյան, որ էլ ոչ ոքի
Ազրավ չշինեք և կամ քարացնեք:

Թող թագավորե բնության կարգը,

Էլ այսուհետև նա չխանգարվի.

Թող միայն Երկինքն իշխե ամեն տեղ,

Ամեն արարած Նորան խոնարիի...

Այս ասելուց հետո գավազանները նետեց ծովի խորքը և չար ոգիների ու նրանց արբանյակների իշխանությունն ու զորությունը վերացրեց աշխարհից:

Ահա՝ այս ժամանակն էր, որ Երկնքից իջավ՝

ԵՐԵՔ ԽՆՁՈՐ

Արեգի ձայնը Երկինքը լսեց

Եվ իսկույն երեք խնձոր վայր զցեց.

Մեկը կանաչ էր այդ խնձորներից,

Կարծես նոր քաղած գարնան ոստերից.

Երկրորդը կարմիր վարդի հանգունակ^[24],

Երրորդն սպիտակ՝ ձյունի նմանակ:

Նունուֆարն ասաց.— Արե՛գ, ի՞նչ կասես,

Այս խնձորները ինչո՞ւ են պեսպես.

— Չգիտեմ, հոգի՛ս, ձշմարիտն ասած.

Գուցե մեր կյանքն է ճիշտ օրինակված,

Տե՛ս, սա կանաչ է, իբր խակ մանուկ,

Իսկ այս՝ սպիտակ, ինչպես մի ծերուկ.

Ամենից սիրուն կարմիրն է միայն,

Դա՛ է նշանը մեր հասունության:

— Բե՛ր այդ կարմիրը հենց հիմա կտրենք,

Եվ այստեղ ևեթ միասին ուտենք...

Նունուֆարն ուզեց,
Արեգն էլ՝ կտրեց.

Կարմիր խնձորը միասին կերան,
Եվ իրանց սրտի փափազին հասան:
Չեզ էլ կցանկամ, սիրո՛ւն պատանիք,
Որ մուրազներիդ նրանց պես հասնիք.
Կըխնդրեմ միայն, որ ինձ էլ ներեք,
Եթե պատմածս ձանձրալի գտնեք.
Չեր սիրո համար ես աշխատեցի,
Պատմեցի այնքան, ինչքան կարացի.
Կարծելով, որ դուք սիրով կըկարդաք,
Եվ խեղճ շայիրիս^[25] ողորմի կըտաք...

Տողատակեր

1. ↑ **Փողպատ** - օձիք
2. ↑ **Բարակ** - որսաշուն
3. ↑ **Էրե** - երե, եղնիկ, այծյամ
4. ↑ **Գջել** - պոկել, խւել, կորզել
5. ↑ **Բեկիար** - դժոխքի տիրակալի, չար ոգիների զլիսավորի անունը
6. ↑ **Սանդարամետ** - դժոխը
7. ↑ **Սաղայել** - դժոխքի տիրակալներից
8. ↑ **Քած** - էզ
9. ↑ **Խառանչել** - զռալ
10. ↑ **Տարտարոս** - հունական դիցաբանության մեջ՝ դժոխք
11. ↑ **Մահտարաժամ** - օրհաս
12. ↑ **Էնդուր** - դրա համար, այդ պատճառով

- 13.↑ **Հիսնաղի քնար** - հիսուն լար ունեցող քնար
- 14.↑ **Լեգեռն** - զորախումբ, հեքիաթում՝ չար ոգիների խումբ
- 15.↑ **Մղոն** - երկարության չափի միավոր
- 16.↑ **Այեր** - օդ
- 17.↑ **Մարմանդ անտառ** - հով, զով անտառ
- 18.↑ **Կանաչ-Կարմիր** - 1. ծիածան. 2. հարսանիքի ժամանակ փեսայի և հարսի ուսից կրծքի վրայով կապվող կանաչ և կարմիր գույներով ժապավեն, նարոտ
- 19.↑ **Շամանդաղ** - ցող, շաղ, մշուշ
- 20.↑ **Հյուլե** - նյութի ատոմը, փոքրագույն մասնիկը
- 21.↑ **Բյուրաղի** - հազարավոր լարեր ունեցող
- 22.↑ **Սոմար** - հատիկաբույսերի կշռի չափի միավոր (մոտավորապես երեք ցենտներ)
- 23.↑ **Մխել** - կոփել, ջրդեղել
- 24.↑ **Հանգունակ** - նման, նույնական
- 25.↑ **Շայիր** - բանաստեղծ